

IPFANI IPFI LAWÉ

 Ndi a ni livhuwa, Murathu Neville. Ndi tenda uri two ambiwa nga Dafita, "Ndo vha ndo takala musi vha tshi ri kha nne, kha ri ye ngomu ndumi ya Murena." Hu tou vha na tshinwe tshithu nga ha tshikolo tsha Swondaha tshine zwiñwe zwipiða zwa tshumelo zwa si vhe natsho, nga tshiñwe tshifhinga-vho masiari. Ri kha ði bva u karuwa vhuaweloni havhudí ha vhusiku, huno—huno ri tou pfa ri vho fhambanaho, huno inwi ni a dzivhuluswa nahone no ðilugisela ili ðuvha.

² Zwino ri a pfesesa zwauri... Madekwe, ro vhudzisa vha—vhathu arali vho vha vhe na tshivhidzo tshavho... tshe vha vha tshi ya khatsho, musi vhe kha u dala kana—kana... ndi khou amba, mirado zwayo ya zwivhidzo, uri vha tea u ya tshivhidzoni tsha vhone vhañe matsheloni ano. Ngauri, riñe ri vha muñganelano, a ri tou takalela u dzhia vhathu vha bvaho tshivhidzoni tsha vhone vhañe.

³ Huno ndo pomokiwa zwifhinga zwinzhi kha u—u hañula zwiñwe zwivhidzo. Izwo two khakhea. A thi hañuli zwiñwe zwivhidzo. Ndi hañula, zwifhinga zwinzhi, zwithu zwine—zwine zwa zwi themendela, fhedzi nñe zwa vhukuma a thi hañuli tshivhidzo. Fhedzi, zwifhinga zwinzhi, musi vha tshi funza zwithu two fhambanaho na Mañwalo, zwenezwo ndi—ndi a zwi hañula izwo. Huno zwenezwo musi vha tshi ita zwithu zwi re zwivhi, huno—huno vha zwi tendela zwi tshi itwa zwivhidzoni zwavho, ndi a zwi hañula izwo. Fhedzi na kathihi... Vhunga zwi tshi ambiwa... Ndi na khonani nnzhi dza Katolika dzo dzulaho hafha, huno na kathihi a thi hañuli vhathu vha Katolika. Ndi hañula pfunzo ya tshivhidzo tsha Katolika, ngauri a thi tendi zwauri ndi ya Luñwalo. Nahone a thi vha hañuli u fhira zwine nda ita dinomineisheni dza Porotestanti nnzhi, ngauri a thi tendi zwauri ndi u ya nga Luñwalo. Huno ndi a kombetshedzwa nga mushumo u imela zwine zwa vha Ngoho. Ni a vhona? Ni a ðivha, Mudzimu u ðo ni takalela arali ni tshi ðo fhulufhedzea, na tou vha a fulufhedzeaho.

⁴ Inwi ni a ðivha, zwifhinga zwinzhi, munna a tshi khou ðoda mufumakadzi, munna wa vhukuma a re na munna murahu hawe, ha ðodi tshothe musidzana ane a vha wa lunako nga maanda—nga maanda tshifhañwoni, kana zwiñwe-vho. U a zwi ðivha uri izwo zwi do xela, nga liñwe la aya mađuvha. Ni a vhona? U ðoda musadzi a re musadzi nga vhumuthu, musadzi wa vhukuma. Huno arali a tshi fulufhedzea, nahone e musadzi wa vhukuma, uyo munna u ðo mu takalela. A thi londi uri u muthu mu—muvhi zwingafhani, na uri u gidima u mona hoþhe na—na vhasadzi vhavhi zwingafhani; a hu na munna muvhi

shangoni nga nn̄da ha a ne a do takalela musadzi a no do imela zwine musadzi zwa vhukuma a tea u vha zwone. Izwo ndi zwone. Ngauri, u a zwi takalela izwo.

⁵ Huno iyo ndi ndila ine zwa vha ngayo nga—nga u rera Ipfi, arali munna a tshi do ima nga zwine a tenda fhedzi. Zwino a si... Inwi elelwani, Mudžimu u diw̄ha mbili yanu. Huno arali ni tshi do ima nga zwine zwa vhukuma na tenda ur̄i ndi Ngoho, zwenezwo ni nga vha na lutendo kha zwine na khou amba nga hazwo.

⁶ Ndi na khonani mbili dzavhuđi fhano. Mukomana Charlie Cox, ndi a vha vhona vho dzula heneffo nn̄da. Huno vhege dzi si gathi dzo fhiraho, ndo vha ndi ngei phasi Kentucky nae, ri tshi khou zwima zwisindi, he nda awela. Mukomana Banks Woods. Huno, zwino, riñe, ri tshi khou pfumbudziwa kha zwigidi zwashu, zwo... Ndi tea u vha na tshanga tsho fhelela nga maanda lune tsha do livhisa kha kubigiri lwa dzharata dza futhanu, kana ndi—ndi nga si tou kona u zwima. Ni a vhona? Ndi zwenezwo fhedzi.

⁷ Zwo ralo, zwi farisani u livhisa kha kubigiri? Ni a vhona? Ngauri, arali ni tshi khou thuntsha tshisindi, nahone u thuntsha ḥohoni, huno ḥoho yatsho hu na khonadzeo ya uri ndi khulu *zwingafho*, huňwe na huňwe hune ha vha tshigwada tsha intshi hu do vha ho luga, ni a vhona, huňwe na huňwe ngomu heneffo. Muňwe wa avho vhatukana u ri, “Izwo zwo luga. Ndo rwa tshisindi.” Vha bvela phanda huno vha wana tshisindi. Fhedzi, kha nne, zwi tea u tou vha zwo fhelelaho. Tshi tea u rwa kubigiri. Tshi nga si kone u tshi humpa nga kotara ya intshi. Tshi tea u rwa kubigiri nga phasi, kana ndi sokou vha na mazhuluzhulu tshothe na u dinalea.

⁸ Huno ndo vha ndo dzula phasi, liňwe ḫuvha, maťakani, huno ndi tshi khou ri, “Murena, ndi ngani—ndi ngani ndi munna wa vhuhali o raloho? Ndi ngani Wo nnyita uri ndi vhe munna wa vhuhali o raloho?” Nda ri, “Zwino heneffo...”

⁹ Mukomana Banks o ya a zwima nga tshigidi tshawe, huno a tshi kokdzela n̄tha uri a tshi thuntshe nga ngomu, hu na mabono a theleskoupu. Huno inwi ni tou... Luthihi luňwe na luňwe nga tshifhinganyana, ni do... inwe i do bva, ngauri arali i... Zwithavhane zwo ḫatelwaho nga limaga zwi do ita hezwo, naħo zwo ralo, ngauri ni na luvhanda lwo engedzeaho zwičuku, na luvhanda lučuku lu re phasi. Fhedzi lu do tou rwa zwičukunyana, kana intshi kana mbili, Mukomana Banks u ri, “Oo, izwo zwo luga, ndo rwa tshisindi. Izwo zwo luga.” A zwi—a zwi mu dini. Charlie, nga ndila i fanaho. Fhedzi ndi...

¹⁰ Tshanga tshi tea u rwa kubigiri, heneffo vhukati, kana zwi a ndina. Nda ri, “Ndo no vha munna wa vhuhali wa misi yothe.” Huno zwenezwo ndi thoma u sedza murahu, huno ndi wana zwauri vhutshilo hanga ho ralo. Itsho ndi tshivhumbeo tshanga. Huno nda elekanya, “Zwo ralo, ndi

ngani Wo nnyita nga u ralo?" Zwi vhuya zwa nnyita uri ndi vhe na mazhuluzhulu arali—arali tsha ya kule zwiṭuku nga *iyo* ndila kana *iyo* ndila. Huno iyo ndi ndila ye Murena nga itsho tshifhinga a nndzumbululela, ndo dzula fhasi henehafha, nthā kha Glutton Hollow, huñwe na huñwe he ra vha ri hone, ri tshi khou zwima. Itsho, ndi a tenda uri tshi vhidzwa Dutton; fhedzi, zwisindi zwi la nga u ḥavhanya nga maanda, ndi tshi vhidza, "Glutton." Ngauralo zwi...

¹¹ Nthā kha afha fhethu, nda elekanya, "Itsho ndi tshone." Ndo vha ndi si nga vhuyi nda funza zwauri hu na vhudzulavhafu u swika ndi tshi vha na ngoho yaho. Ni a vhona? Huno ngauralo-ha arali Luñwalo lu tshi bvumba phodzo ya Muya, huno *hafha*, i tshi vhonala i nga ndila *iyi* na nga ndila *iyo*; arali Luñwalo lu tshi ri, "Khotsi, Murwa, na Muya Mukhethwa," vhunga hu na Midzimu miraru, huno *Heneffo* ndi vhona hu na Muthihi fhedzi; huno zwino ndi khou yo sokou ita hani, nga ha zwa muñwe munna, zwine vha amba nga Halo, nda zwi dzhia nga iyo ndila? Arali Bivhili i tshi amba nga ha u ta na tshilidzi, huno *hafha* zwi na mishumo, huno *hafha* zwi na tshilidzi. Huno a—a thi tou kona u zwi rera nga iyo ndila.

¹² Ndi tea u zwi tandulula hezwo, nahone nga kha, nahone nga kha, nahone nga kha Bivhili, u swika zwi tshi livhisa kha kubigiri lwo fhelelaho, ni a vhona, u swika zwi tshi bvela nn̄da zwa vhukuma lwo fhelelaho nga Mañwalo. Zwenezwo musi ndi tshi ima, ndi kona u vha na lutendo zwa vhukuma kha zwine nda khou ita, ni a vhona, nda zwi ḫivha uri zwine na khou rera ndi Ngoho. Ni a vhona? Huno zwenezwo arali nnyi na nnyi a vha o fhambanaho nga Halo, no no di guda lwo edanaho u swika ni tshi ḫivha kokotolo fhedzi zwine A amba, hune na tea u mu imisa hone, ni a vhona, henehafha *Hafha*. Ni a vhona? Huno iyo ndi ndila ine zwa vha ngayo. Mudzimu u ri ita nga ndila dzo fhambanaho, uri ri tou kona fhedzi... Izwo zwi ita shango nga iyo ndila. Fhedzi, izwo ndi zwine zwa nnyita uri ndi vhe na mazhuluzhulu nga u tou ralo, lushaka lwa muthu a no dinalea. Zwi tea u vha zwi re zwone fhedzi.

¹³ Huno nne ndo takala nga maanda, madekwana a ḫamusi, ḫamusi, matsheloni ano—ano, u amba zwauri ndi a zwi ḫivha zwauri Murena Yesu ho ngo fa. U khou tshila, huno Ú tou vha henehafha nga maanda zwino sa zwe A vha e zwone nga tshiñwe tshifhinga-vho shangoni ngei Galilea kana huñwe fhethu-vho. Ndi ene Murwa wa Mudzimu a tshilaho, o vuwaho, a re hoṭhe-hoṭhe. Uyo ndi... Huno arali ndo kundelwa...

¹⁴ Arali ndo funza Luñwalo lwa muñwe Mudzimu wa ḫivhazwakale, huno ndo vha ndi si na ngoho ya uri U henehafha, ndo—ndo vha ndi tshi do ḫāda tshoṭhe. Zwo vha zwi tshi do nnyita uri ndi vhe na mazhuluzhulu nga maanda, ndo vha ndi si nga ḫivhi zwe nda vha ndi tshi khou ita. Ni a vhona? Huno ndo vha ndi si nga hu ḫivhi hune nda fanela u vhudza vhathu. "Zwo luga,

zwino, U do ita *itshi*, kana U do ita *itsho*.” Ndo—ndo kundelwa u ni vhudza. A thi divhi. Fhedzi musi ni tshi zwi divha zwe A fulufhedzisa uri U do ita, huno no no Mu vhona a tshi zwi ita, zwenezwo ni a divha he na ima hone. Ni a vhona? Huno vhonani ndila ye Mudzimu, kha pułane Dzawe khulwane, o tou divha ndila ya u ita muthu muñwe na muñwe kokotolo fhedzi u vha tshiñwe tshithu, ngauri U khou yo vha shumisa u itela iyo ndivho.

¹⁵ Ni pfa uyo mufumakadzi mutuku afha n̄tha, tshifhinganyana tsho fhiraho? Vho-Mme Stricker, vha tshi khou imba hu si na muñwe muzika-vho. Vho vha vhe na luniwe lushaka lwa tshithu tshituku tshe vha vha tshi khou tshi vhudzula, u wana tshuni yavho, khii yavho—yavho kana tshirena tshi vhidza tshone. Huno vho kona u ima na u imba nga ilo ipfi li re phasi zwa vhukuma, huno vha li takusela n̄tha, ulwo, *Ship Ahoy!* Zwino, ni tea u mpfa ndi tshi lingedza ulwo nga tshiñwe tshifhinga. [Mukomana Branham na tshividzo vha a sea—Mudz.] Zwi do ofhisia. Fhedzi, ni a vhona, Mudzimu o divha ndila ya u tou ita uyo musadzi uri a ite izwo.

¹⁶ Huno iyo ndi ndila. Riñe rothe ri na zwivhumbeo zwo fhambanaho. Arali ro vha ri tshi nga tou wana vhuimo hashu kha Kristo, huno heneffo ra dzula nahone ra Mu shumela.

¹⁷ Vhonani musidzanyana o dzulaho hafha, matsheloni ano, kha tshidulomilinga. Fhatutshedzani mbilu yanu thukhu. Naa ndi mini tsho ni holefhadzaho, mufunwa? U sa kanzwi-ha misipha...u sa kanzwi....Oo, a thi koni u amba ilo ipfi, musi ndi tshi thoma; u sa kanzwiwa lwo edanaho, kana tshi re tshone. Naa izwo ndi zwine zwa vha zwone, mufunwa, zwe zwa ni ita muholefhalu, kana ndi pholio? Pholio. Inwi ni a divha, Yesu u fhodza vhasidzanyana. Naa Ha iti? U musidzanyana wa lunako nga maanda. Huno ndi a tenda uri Yesu u do ita uri u vhe na mutakalo.

¹⁸ Madekwe, avho vhasidzanyana vhavhili vhe vha vha vho dzula hafha vhe na uvho vhulwadze vhune ha sa vhe na muthu shangoni a no divha uri ndi mini. Minwe mituku yavho i a wa, na milenzhe mituku yavho yo wa. Vhasidzanyana vhavhili vha lunako. Huno zwo sokou itea nda divha mme avho na makhulu vha mukegulu vhavho. Huno ndo sokou pfa ndi tshi rangwa phanda u haṭula uyo Diabolo a no do shengedza izwo zwithu zwiṭuku zwo dzulaho heneffo; heneffo mn̄da. Huno vho vha vhe kha zwidulomilinga lune a thi divhi uri lwa tshifhinga tshingafhani. Huno madekwe, mafhungo o dzhena a tshi khou swiela ngomu, kha laini, “Vhasidzanyana vho vuwa, vha khou tshimbila u mona hoṭhe.” Inwi ni a zwi vhona izwo, zwauri—zwauri Murena Mudzimu o vha e wa tshilidzi nga maanda khavho. Oo, Ndi wavhudzi nga maanda kha riñe! Ri tea u Mu takalela lwo engedzeaho.

¹⁹ Zwenezwo ndo vha ndi tshi khou elekanya, madekwe fhedzi, nga murahu ha musi ndo no ya hayani nahone nda

edela lwa miniti i si gathi, ndo vha ndi tshi khou elekanya nga ha, “Musi maya wo no bva kha muthu, naa ndi mini?” Ndi muthu wawe wa nga ngomu o bvaho. Ho ngo fa. U—u kha di tshila. Ni a vhona? U—u tshila lini na lini. Huno vhafunwa vhashu vho no yaho seli ha ulu lupila, vha kha mu—muvhili une ra sa ñivhe zwine wa vha zwone. A zwe ngo dzumbululwa.

²⁰ Hu na zwiteidzhi zwiraru zwa tshinwe na tshinwe. Hu na tshiteidzhi tsha muvhili u faho, muvhili u sa fi, huno ha mbo da muvhili wa vhugala. Ni a vhona? U tou fana na zwinwe zwithu, vhunga... Khotsi, Murwa, na Muya Mukhethwa, zwi tuwa nga ndila nthihi, huno izwo zwiraru zwi ita Muthihi. U itwa vho lugaho, u khethefhadzwa, ndovhedzo ya Muya Mukhethwa, kha ndila, zwi ita tshithihi. Zwenezwo, huno maya, muvhili, na maya, zwi ita tshithihi. Huno zwi enda nga zwiraru, huno zwiraru ndi zwithihi. Huno dzhiani tshipida tsha ngilasi tsha thodzi tha—tharu huno ni tshi vhee ñuvhani, tshi do vhonisa mivhala, naho zwe ralo, mivhala ya sumbe i ño tsa ya vha muthihi.

²¹ Huno inwi ni dzhia mutswuku, huno na sedza mutswuku nga mutswuku. Naa ndi vhanganha vha no ñivha uri u ño vha muvhala-de? [Tshivhidzo tshi ri, “Mutshena.”—Mudz.] Mutshena. Uh-huh. Naa izwo a zwi kanukisi? Uyo, mutswuku nga mutswuku, u vhonala u mutshena. Mutswuku ndi tshiga tsha thengululo. Huno musi inwi ni... Mudzimu u sedza zwivhi zwitswuku zwashu, nga Malofha matswuku a Murwa Wawe wa vhuthogwa, ndi zwitshena. Ngauralo, fhedzi, U tea u sedza nga Malofha. Arali zwi sa iti, ndi vhavhi. Ngauralo ri tea u vha fhasi ha Malofha.

²² Huno musi maya u tshi tutshela muvhili, u dzhia lwendo lwavo ngomu ha fhethu ha û awela, kha muvhili une wa vha nga tshivhumbeo na mbumbo ya uyu muvhili, fhedzi a si ulu lushaka lwa muvhili. Inwi ni ño tangana na vhafunwa vhanu. No vha ni si nga khaðani navho. No vha ni tshi nga amba navho, no vha ni tshi nga vha sedza. Vha vhonala vhunga vha tshi ita fhano. Ngauri, musi Petro, na Yohane, na Yakobo, vha tshi vhonon Mushe na Eliya, vho vha limuwa, kha Thavha ya Phenviso. Fhedzi, ndi muvhili.

²³ Fhedzi zwenezwo musi uyo muvhili, lushaka lwa muvhili wa lutomboni, musi u tshi vhuya murahu kha lifhasi, u doba tshi—tshithu tshe wa vhuya wa tshila khatscho, huno zwenezwo u vha muvhili wa vhugala. Huno uyo muvhili ndi wone une wa ño vhonon Murena Yesu, e kha muvhili Wawe wo vuwaho. “A zwi athu vhonala zwine ra ño vha zwone,” o amba Paulo, “fhedzi ri a zwi ñivha uri ri ño vha na muvhili u no nga muvhili wa vhugala Wa Ène muñe, ngauri ri ño Mu vhonon sa zwine A vha zwone.”

²⁴ Huno izwi zwanda zwethe zwa kale zwa maonyeonye na tsikila dzo kwashakanaho zwi ño ngalangala tshothé zwa dzhena kha zwa mathakheni a vhaswa. Vhoiñwi vhabba na vhasadzi vha kale, ni... Ulu ndi... Ulwo, ulwo ndi luswayo

lwa u wa, vhukale hanu ha kale. Fhedzi kha mvuwo, a hu nga vhi na luswayo na lūthihi lwa tshiñwe tshithu tsha tshivhi. Fhedzi ndi ngani Mudzimu o ni ita vhunga O ita? O ni ñisa kha vhuiñwe vhukale, musi no vha ni tshi ḥodou vha na miñwaha ya fumbilimbili, ya fumbiliraru, no vha ni wa khwinesa. No vha ni tshi khou la zwiliwa huno ni tshi khou khwañtha, na u vha na mutakalo, huno no vha ni muthu a vhonalahe e na maanda. Zwenezwo, nga murahu ha hezwo, ni thoma u vha a re na maonyeonye, ni a vcona, lufu lu a dzhena. Fhedzi, kha mvuwo, vhukale hothe ha kale vhu ḥo phumulwa.

²⁵ Ndi khou sedza hafha kha mureri muñuku wa kale na mufumakadzi wawe. Vha kha yavho ya vhumalo, ndi a humbulela. Mukomana na Khaladzi Kidd, vha tshi khou rera Mafhungo-mađifha thañwe ndi sa athu bebiwa; huno ndi munna wa kale. Huno ndi a vha vcona vho dzula hafha, tshivhili tshi vhonalahe tshi na mulalo, tshiñuku tsha kale. Huno ndi tou elekanya, zwauri, kha mvuwo, zwine vha ḥo vhonala vhe zwone. Ayo maonyeonye o kale, na zwanda zwi dzinginyeaho zwa u tetemela na u oma, na mmvi zwi ḥo ngalangala zwa dzhena ngomu kha zwa matħakheni a vhaswa. Zwi a badela zwa vhukuma u shumela Murēna. Zwa vhukuma zwi a ita. Ri ḥo Mu vcona, nga ñiñwe ñuvha.

²⁶ A thi ñivhi arali Rosella Griffin e hone. Ndi ḥo toda u mu wana uri a ambe ipfi. Phuli ya halwa ñukhu ye ya ñhodzwa ngei... fhano, miñwaha i si gathi yo fhiraho. Huno izwo zwi nga di thusa ñiñwe phuli ya halwa i re fhano. [Khaladzi tshivhidzoni u ri, "Mukomana Branham, o ya hayani nga matsheloni ano."—Mudz.] O ḥo tea u ya hayani nga matsheloni ano. Zwo luga. Fhuno li mangadzaho! Ndo elekanya zwauri madekwe ndo vha ndo tea u vha ndo ita uri a ambe tshiñwe tshithu. Ndo vha ndi tshi ḥo ralo, arali ndo zwi ñivha, uri o vha a tshi khou ḥo tuwa nga matsheloni ano. Zwithu zwinzhi nga maanda ndi tou takalela vhatu vha thaberenakele vha tshi zwi pfa.

²⁷ Zwino, naa hu na muñwe-vho fhano a no tea u lovhedzwa, nga matsheloni ano, mađini? Kha ri vhone. Muthihi, vhavhili, vhararu, vhañan, vhañanu, vharathi, vha no ḥodou swika vharathi kana vhasumbe fhano vha no tea u lovhedzwa. Huno tshumelo ya ndovhedzo i ḥo tevhela iyi ngudo ya tshikolo tsha Swondaha.

²⁸ Zwino, lufhera lwa tshikolo tsha Swondaha lwa Khaladzi Arnold washu, u itela zwana zwiñuku zwawe, lwo tumulwa. Huno ri do tou, arali ni tshi funa, Khaladzi Arnold, ri ḥo tea katukutuku u fhahea izwo u swika ñuvha li tevhelaho, ngauri a ri na lufhera lwa tshikolo. Huno ndi ḥo vhalu luñwe Luñwalo hafha nga miniti i si gathi, u itela vhana vhañuku, huno izwo zwi ḥo vha ñea tshiñwe tshithu tshine vha ḥo elekanya nga hatsho, na vhone-vho. Huno zwenezwo Swondaha i tevhelaho ni ḥo isa phanda na tshumelo dzañu dza nga misi na tshikolo tsha Swondaha. Zwino, ri ḥoda u ri...

²⁹ Ngetshi tshiñwe tshithu tshire nda ḥodou amba matsheloni ano. Ndo—ndo—ndo vha vhudza uri vha songo zwi ita izwi, fhedzi vho zwi ita, naho zwo ralo. Ni a vhona? Uyo wo vha, u munikelo madekwe we wa da kha nne, ni a vhona, munikelo. Ndo vha vhudza uri vha songo zwi ita izwo, ni a vhona. Huno vho... Fhedzi vho zwi ita, naho zwo ralo. Huno musi... A tho ngo zwi ḫivha u swika Billy a tshi mmbudza uri murathu wanga Doc o u disa khae, hangei nduni yawe. Huno na kathihi a thi athu u u vhala, fhedzi ndi tenda uri zwo vhigiwa uri wo vha hu na dzi no ḥodou swika madana mararu, kana zwituku u fhira madana mararu. Naa izwo... Inwi ni a elelwa, Doc, zwe wa vha u zwone? [Murathu Edgar Branham u ri, "... fumbiliina, fumbili."—Mudz.] Naa wo vha u mini, murathu? ["Tharu, fumbiliina, fumbili."] Madana mararu na fumbiliina, fumbili. Ndi a ni livhuwa, nga maanda.

³⁰ Zwino, ndo vha ndi siho mushumoni lwa tshifhinga tshilapfu. Inwi ni a zwi ḫivha izwo. Huno muñwaleli wanga e hone, kana vhainwe vhavho fhano matsheloni ano, vha a zwi ḫivha zwauri tshinyalelo dzanga, hu sa londwi hune nne nda vha hone, henehafha hayani, dzi nnzhiela nga nthia ha dołara dza ḫana nga ḫuvha, dza ofisi dzanga na zwithu zwine nda dzhia zwa zwisagaduku na zwithu u mona na shango, kha dzitshinyalelo.

³¹ Huno ndi—ndi ḥodou amba izwi, thuthuwedzo kha vhoiñwi vhathe fhano, nangwe. Kha tshivhalo tsha vhathe, uyo ndi munikelo muhulusa we nda vhuya nda u ḫanganedza vhutshiloni hanga. Naa ni a zwi limuwa uri u do ita dołara tshipida, ndingano? Huno vhusunzhi ha miiwe minikelo-vho nn̄da mushumoni vhu do ita ndingano i no ḥodou swika, henehfo u ḥodou swika kha sente dza fumbilimbili kana dza fumbiliñthanu muthu. Fhedzi yuu wo vha u kha ndingano ya dołara muthu. Ngauri, ndi a zwi ḫivha zwauri ni nga si kone u dzhena ngomu hafha... A vha dzhii minikelo ngei nn̄da. Huno ni nga si tsitsikane ngomu afha fhethu hūtuku, vhathe vha no ḥodou swika madana mararu, ndi—ndi a timatima. Naa ni a ḫivha uri thaberenakeje i dzudza vhangan, Murathu Neville? [Murathu Neville u ri, "I tea u vha huiñwe fhethu hu no ḥodou swika madana mararu, nga ndila ine zwa vha ngayo zwino."—Mudz.] Vhathe vha no ḥodou swika madana mararu. Ngauralo, ni a vhona, izwo ndi tsini na do—dołara tshipida. Mudzimu u a zwi ḫivha uri izwo ndi zwi takalela hani. Ndi a ni livhuwa nga maanda. Huno i ya tswititi ngomu mushumoni wa Murena. Ndi—ndi a ni livhuwa nga nthani hayo. Huno u itela... Arali vhainwe vhavho zwi tshi do itea vha vha vha tshi ḫuwa vhusiku vhu sa athu swika, ngauri... huno nda...

³² Musi ndi tshi ya hayani madekwe, tsho dzulaho kha vurannda ho vha hu bogisi liñuku, vhunga ili, huno ho vha hu gwi—gwindi la dzheli, ndi a tenda, li no bva kha muñwe. Ni a ḫivha, ndi tou funa dzheli. Huno ndi—ndi a zwi takalela izwo.

Huno kha—khaladzi hafha, ane zwa khwine nda si vhidze dzina lawe. Ndi khonani ya haŋwani ya muṭa washu, huno o sia tshifhiwa tsha lufuno fhasi ngei ha mme anga, tshanga na tsha Billy. A ni ɖivhi, khaladzi, nga ndila ine izwo nda zwi takalela, na tshifhinga tshire zwa ḍa ngomu ngatsho.

³³ Huno, oo, zwithu zwinzhi nga maanda! Ni a pfesesa. Huno nne ndi na ngoho ya uri U a pfesesa. Huno ngauralo ndi tou fulufhela uri U do fhaṭutshedza muňwe na muňwe waŋu, lwo pfumaho lwo kalulaho. Ndi tama ngavhe zwe vha zwe ralo uri ndi nga ya hayani na muňwe na muňwe waŋu, huno—huno nda dzula na inwi lwa tshifhinganyana, huno nda amba na inwi. Ndi funa u ita izwo.

³⁴ Fhedzi, ndi zwone, ni a zwi ɖivha uri zwi hani, hu sokou vha u tshimbila hu sa fhidzi. Ri tea fhedzi u ya nga u ṭavhanya. Zwi khagala, heneffo nga murahu ha tshumelo madekwana a ɬamusi, Murena a tshi funa, ndi do ṭutshela shango, zwenezwo musi tshumelo i tshi vala. Ndi tea u bva hafha awara ya fumimbili i sa athu rwa nthā ha tshithoma. Ndi na ndangano nga awara ya fumimbili nthā ha tshithoma. Ndi na dzo ḍalah, masiari a ɬamusi. Huno ndi . . . Ni a ɖivha uri zwi hani. Hu tou vha u tshimbila hu sa fhidzi, tshifhinga tshoṭhe; vhatu vha tshi lwala, vha tshi khou fa.

³⁵ Huno zwifhinga zwinzhi ndi dzhena ngomu fhetru, huno ndo sokou ima heneffo, huno muňwe muthu u a dzhena, a ri, “Inwi ni a nn̄dīvha, Mukomana Branham?”

“Hai, a thi ni ɖivhi.”

³⁶ “Mulanu, ndo vha ndo edela sibadela, ndi tshi khou fa, musi ni tshi ḍa na nthabelela. Murena o mphodza.” “Ndo vha ndo pofula musi ni tshi ṭangana na nne tshiṭaraṭani, ilo ḫuvha bono lo ḍa.” Ni a vhona? Huno a—a thi ɖivhi zwine zwa vha zwone na kathihi.

³⁷ Fhedzi ndi khou elekanya nga ha uyu muhumbulo muthihi wa dakalofulu, Mukomana Egan, wa uri, nga liňwe ḫuvha musi ndo no rera theroy ya u fhedza, ndo no rabelela muthu wa u fhedza ane Murena a ṭođa ndi tshi mu rabelela, huno nda ya Hayani! Huno nga ayo matsheloni a mvuwo, oo, li do vha ḫuvha-de, dakalo nandi! Musi ndi tshi kona u ima Henengei, musi khosikadzi ya Vhurwa i tshi do ḍa, ndi kona u vhona ṭhuthuwedzo ye a vha nayo! Ndi do vhona a tshi ḍa Henengei nthā, Billy Graham, ṭhuthuwedzo ye a vha nayo. Oral Roberts, na vhańwe vhoṭhe, ene Sankey, Finney, Moody, Calvin, Knox, na vhańwe-vho. Zwenezwo ndi do vhona tshigwada tshanga tshi tshi da. Oo, ilo li khou yo vha dakalo, iyo i khou yo vha u ambadzwa ḫhare hanga. Izwo ndi zwone. Huno, nga tshilidzi tsha Mudzimu, ndi fhulufhela u vha na vha milioni dzo vhalaho Henengei.

³⁸ Huno zwino ndi tea u ya seli ha lwanzhe hu si kale. Huno zwino, u ya nga hune nda ɖivha, heneffo miṭanganoni ya riŋe

vhaṇe, itonu zwi elekanya, nne ndi kha mimuya ya milioni ya vhuvhili yanga, ndi tshi khou i winela Kristo. Huno ndi—ndi fhulufhela zwauri ndi vhona milioni nnzhi, nnzhi yo winiwa.

³⁹ Zwino, tshumelo ya ndovhedzo, huno zwino dži—džindangano na zwithu. Huno, zwino, izwi zwi khou isa phanda nga murahu ha muṭangano.

⁴⁰ Arali nga tshihwe tshifhinga ni tshi khou vhuya murahu u itela muvhudzisano wa phuraivete, kana tshinwe-vho, itonu vhidza zhendedzi, Mukomana Mercier fhano. Ri tea u vha na inwe nzudzanyo, ine ra tea u ralo. Ri a zwi diwha izwo. Huno Mukomana Mercier, u a dži isa fhasi, u a dži vhea fhasi zwenezwo dži tshi da, huno zwenezwo ndi tshi fhelelwa nga dzindangano, dzothe dži a fhela, ndi... Musi ndi tshi dzhena, ndi a mu vhidza huno nda mu vhudza, “Nne ndo fhedza kha itscho tshigwada.” U nne tshigwada tshiswa, huno ndi a ya hafhu, ni a vhona. Zwenezwo, zweithe zwi shuṇwa kha yeneyo ofisi. Huno u a diwha ndila ya u dži dzudzanya uri a kone u džhenisa muṇwe na muṇwe, ane a kona u džhenisa, ni a vhona. Ngauralo, ro takala nga maanda u vha na iyi ofisi ḥukhu i tshi shuma nga ndila ine ya vha ngayo. Ngauralo iyo i tou vha Butler 2-1519. [Nomboro ya lutingo yo tshintshiwa.—Mudz.] Huno iyo ndi... Kana, arali na founela Jeffersonville, itonu founela nne, huno vha do fhindula heneffo kha iyo ofisi. Huno ndi a ni livhuwa, nga vhulenda nga maanda.

⁴¹ Zwino kha ri, ri sa athu vuła Ipfi lo fhaṭutshedzwaho Ławe... Huno elelwani, nga u ḥavhanya nga murahu ha musi iyi tshumelo yo no fhela, na tshumelo ya ndovhedzo, Billy u do vha fhano u kovha garaṭa dla thabelo u itela madekwana a ḥamusi.

⁴² Zwino, madekwana a ḥamusi hu vhusiku ha tshivhidzo, vhusiku ha Swondaha, vhanzhisa vha vhathu vha muđini vha do vha vhe nnđa zwivhidzoni zwa vhone vhaṇe, na u mona hothe na Louisville na u mona hothe. Vha do vha kha zwivhidzo zwa vhone vhaṇe. Fhedzi vhanzhisa vha do tou vha vhabvanndja. Ngauralo-ha, ndi elekanya zwauri khamusi ri nga ita laini ya muduba muhulwane wa thabelo madekwana a ḥamusi huno ra rabelela muṇwe na muṇwe wavho. Nne ndi a fulufhela zwauri ri do ralo. Ri na garaṭa dži si gathi zwadzo dzo kovhiwaho.

⁴³ Ndi—ndi elekanya uri, madekwe, nga murahu ha madekwe, oo, ndo sokou pfa unga ndo vha ndi tshi khou yo dzhia huṇwe ha uho, oo, u fhufha ha mutshimbidzabufho fhedzi, ni a diwha, hune ra amba nga hao. U vhona fhedzi, kha thaberenakele iyi ḥukhu ya kale, hafhu, zwanda zwe ya n̄tha.

⁴⁴ Ndo wana mutukanyana hafha, u tou vha mutukana tshothe, Joseph muṭuku. U ḥodou vha na miṇwaha miraru. Huno musi vhothe vho vha tshi khou ḥavha mukosi, arali a songo fhufhela heneffo nnđa vhukati ha phasedzhi huno a imisela izwo zwanda n̄tha, huno a thoma u ḥavha mukosi na u renda Murena, heneffo nnđa vhukati ha phasedzhi nnđa heneffo!

Huno ndi elekanya uri, matsheloni ano, o dzhena khazwo na khaladzi mułuku wawe, huno a mu luma kha tshanda, ngauralo ndo mu vhudza zwauri u ḥavha hawe mukosi hu nga si farise nga maanda samusi o ḫifara nga u ralo. [Mukomana Branham na tshivhidzo vha a sea—Mudz.] Yawee, njenne! Avho vhatu vhałuku, vha a kona u swika heneffo tsini na inwi, a vha koni? Zwo ralo, a hu na zwińwe, zwe zwa vha zwi zwone, o tou vthona vhałwe vhothe vha tshi khou zwi ita huno a elekanya uri izwo zwi tou vha zwine a tea u ita, na ene-vho, nahone hu na khonadzeo ya u tevhela riñe, nga ndila ye ra vha ri tshi khou ita.

⁴⁵ Zwino ri na Ipfi Ławę lo vuliwaho hafha. Zwino kha ri tou amba Nae nga Halo. Zwino fhedzi yone...

⁴⁶ Mudzimu a Funwaho, musi ri tshi da kha Iwe zwenezwino, nga khuliso, ro fhumula, ro dzivhuluwa, nahone nga lutendo, ri tshi tenda zwauri U a pfa nahone u do fhindula thabelo. Ngauri, ri da nga ilo Dzina lo eđanaho tshothe ja Murwa Wau, Murena Yesu, Ane a vha Uyo a sa kundelwiho, huno a nea pfufuhedziso, ya uri, "Arali ni tshi humbela Khotsi tshińwe tshithu nga Dzina Łanga, Ndi do tshi ita." Zwenezwo ri a zwi ḫivha zwauri ri do tanganedza zwezwo zwine ra zwi humbela, ngauri ri da nga Dzina Ławę. Ngauri a ri na linwe Dzina line ri nga sendela kha Iwe ngalo, Jehovah Mudzimu muhulwane, wa maanda. Huno ri da nga tshilidzi Tshawe, ri sa buli zwauri ro tea tshińwe tshithu, fhedzi ngauri O ri itela tshipfumelo, nge A ri fela. Huno O pfumelela zwivhi zwashu, huno ri a pfa zwauri ri nga ima ro itwa vho lugaho małoni Au, nga lufu Lwawe. Ulwo ndi lutendo lwashu. Huno a ri khou humbela tshithu tshire tsha do vha tshivhi, fhedzi itszo tshire tsha do vha tshavhuđi kha riñe.

⁴⁷ Ngauralo-ha, Murena Mudzimu, amba na riñe nga kha Ipfi Łau. Huno amba na riñe nga ilo Ipfi, uri ri pfectese nahone ra ḫivha ndila ya u vha vhabba na vhasadzi, vhatukana na vhasidzana vha khwine. Ri tshi ḫivha zwauri khoro khulwane hangei kha lufu, ine, tshifhinga tshińwe na tshińwe musi mbilu yashu i tshi ita ndivhitho, ri tou da tsininyana nga ndivhitho nthihi kha iyo khoro ine rothe ra do dzhena ngayo. Huno zwenezwo ri tshi zwi ḫivha, zwauri, nga murahu ha musi ro no dzhena heneffo, a hu tshe na tshifhinga na tshithihi hafhu tsha u vhuya ra ita dzipfumedzanyo. A hu tshe na na kathihi hafhu hune ri nga kona u vha na itszo tshifhinga tshire ra tou vha natsho zwino. Huno a ri ḫivhi uri ri do pfuka uyo mutala lini, Oo Mudzimu, ida kha riñe nga u ḥavhanya huno u ri ḫise kha zwipfi zwine ra tea u vha nazwo, huno ra ḫivha ndila ya u sendela kha Iwe, na u phuphutshela mulandu washu phanda Hau huno ra humbela khathutshelo. Zwi tendele, Murena.

⁴⁸ Ri vhatu vha re na ḥodeea. Ri nngu, dzi no khou vhidzelela Mulisa a no do ri ranga phanda kha vhutshilo, na u tsa fhasi nga kha govha ja murunzi wa lufu. Vhunga Dafita, wa kale, o ri, "A thi nga ofhi musi ndi tshi da afho fhethu," ngauri

Mulisa u do nthanga phanda heneffo nga kha afho fhethu, u swika milenzhe yashu i tshi awela lwo khwathaho kha uvho Vhugabelo ha vhugala, hune vhukale ha kale na vhulwadze na vhutungu na lufu zwa do ri shavha, huno ri do vhofholowa, Henengei, lini na lini.

⁴⁹ Amba, Murena. Uyu mufunwa mułuku wa mało a penyaho wa muñwe, o dzulaho hafha phanda hanga, kha itshi tshidulomilinga; ndi nga si tou kona u tsira mało anga khae ɳamusi; o holefhalaho tshothe nga iyi pholio, zwe uyo muvhia zwi ita khae. Oo Mudzimu, disa phuluso kha uyo mufunwa mułuku. Zwi tendele, Murena. Hu si khae fhedzi, fhedzi kha vhañwe fhano vho lindelaho. I ri Muya Mukhethwa Wau u vha takulele ɳha nga maandja, matsheloni ano, uri vha fhire munzenzero muñwe na muñwe wa u timatima na tshithivheli tshiñwe na tshiñwe tsha tshivhi, uri Muya Mukhethwa Wau u kone u shuma khavho huno wa vha fhodza. Tendela izwi zwithu, Murena. Ngauri ri humbela idzi phałutshedzo u itela vhugala Hau, nga Dzina la Murwa, Yesu Kristo. Amene.

⁵⁰ Zwino, ndo nanga liñwalwa matsheloni ano... Huno vhoinwi vhathe vhañku ni nkhangwele, u dzhia hanga tshifhinga tshothe na vhaaluwa, huno kilasi yanu a iho fhano, u vha hone matsheloni ano. Fhedzi ndi ɣoda ni tshi pfa, na vhoinwi, zwine nda ɣodou vhala. Huno ndi ɣodou vhala, matsheloni ano, kha Samuele Wa U Thoma, ndima ya vhu3.

⁵¹ Huno ndi ɣodou dzhia u itela liñwalwa: *Ipfani Ipfi Ławe*. Illo li do ita kha vhasidzanyana na vhasidzana vhahulu, na vhatukanyana na vhatukana vhahulu, vhothe. Elelwani liñwalwa: *Ipfani Ipfi Ławe*.

⁵² Zwino, inwi a no khou fhenda Mañwalo, kha Samuele Wa U Thoma, ndima ya vhu3, iyi ndi ndila ine ya vhalea kha ndimana dza u thoma dza fumi.

Huno ńwana Samuele a shumela MURENA phanda ha Eli. Huno ipfi la MURENA lo vha li la vhut hogwa mađuvhani ayo; ho vha hu si na bono lo vuleaho.

⁵³ Oo, nga ndila ine nda ɣodou dzula heneffo lwa muniti, khamusi kha tshiñwe tshifhinga. Zwi tou nkwama. I ri ni ndi tou i vhala luthihi hafhu, iyo ndimana.

Huno ńwana Samuele a shumela MURENA phanda ha Eli. Huno ipfi la MURENA lo vha li la vhut hogwa mađuvhani ayo; ngauri ho vha hu si na bono lo vuleaho.

⁵⁴ Ni a vhona zwine bono la vha zwone, zwenezwo? Ndi Ipfila Murena lo livhanaho. Ni a vhona? Huno Ipfila Murena lo vha li la vhut hogwa.

Huno zwe da zwa khunyelela nga itscho tshifhinga, musi Eli o ededzwa fhasi fhethu hawé, huno mało awe a thoma u sa tsha vhona zwavhudzi, lwe a kundelwa u vhona;

Huno luvhone lwa Mudzimu lwo vha lu sa athu bva thembeleni ya MURENA, he mbulungelo ya Mudzimu ya vha i hone, huno Samuele a ededzwa fhasi uri a edele;

Lwe MURENA a vhidza Samuele: huno a fhindula, Nne ndi fhano.

Huno a gidimela kha Eli, huno a ri, Nne ndi fhano; ngauri iwe u khou mmbidza. Huno a ri, A tho ngo vhidza; edela fhasi hafhu. Huno a ya huno a edela fhasi.

Huno MURE... Huno MURENA a vhidza hafhu, Samuele. Huno Samuele a vuwa huno a ya kha Eli, huno a ri, Fhano ndi... Nne ndi fhano; ngauri nne wo mmbidza. Huno a fhindula, A tho ngo vhidza, murwa wanga; edela fhasi hafhu.

Zwino Samuele o vha a sa athu divha MURENA, na ipfi la MURENA lo vha li sa athu dzumbululwa khae.

Huno MURENA a vhidza Samuele hafhu lwa vhuraru. Huno a vuwa huno a ya kha Eli, huno a ri, Nne ndi fhano; ngauri iwe wo mmbidza. Huno Eli a vhona zwauri MURENA o vhidza nwana.

Ngauralo-ha Eli a ri kha Samuele, Iya, u edele fhasi: huno hu do ri, arali a tshi u vhidza, iwe u do ri, Amba, MURENA; ngauri mulanda wau u a pfa. Ngauralo Samuele a twa huno a edela fhasi fhethu hawe.

Huno MURENA a da, huno a ima, huno a vhidza u fana na nga zwinwe zwifhinga, Samuele, Samuele. Huno Samuele a fhindula, Amba; ngauri mulanda wau u a pfa.

⁵⁵ Ipfi la Mudzimu! U pfa Ipfi Ławe nga ilo duvha tsho vha tshi tshithu tshi sa sokou wanala. Ni a vhona, ho vha hu si na bono lo vuleaho. Nahone tsho vha tshi tshithu tshi sa sokou wanala, Ipfi la Mudzimu la vhukuma, ngauri vhathu vho vha vho no ḥutshela kule. Vho vha vhe na tshivhidzo, nga ilo duvha, tshe tsha si tou tevhela milayo ya Murena. Vho vha vhe na mu—mushumeli we dzina a vha a tshi pfi Eli. Huno o ḥutshela kule ha Mudzimu, nga u tou funza zwidayo zwa zwe vhathu vha ḥoda u tenda. Arali izwo zwi sa vhambelani u swika kha lino ḫuvha! O tou funza vhathu, huno a—a dzhia zwa a dinangela zwone, huno a ita uri vhana vhawé vha dzhie zwa khwinesa zwa ḥama heneffo, dzihuka, dzi tshi bva kha mu—munikelo. Huno ho tou vha fhethu he munikelo wa vha u tshithu tshihulwane. Huno Samuele, a si na u londa ndila ye a farisa zwone milayo ya Murena. Huno Ipfi la Mudzimu la vhukuma tsho vha tshi tshithu tshi sa sokou wanala.

⁵⁶ Iyo ndi ndila ine zwa vha ngayo ḥamusí. Ri ya tshivhidzoni huno ri wana vhathu vha tshi khou dzhena huno vha na huñwe u khadiwa huhulwane, “Ri ḥoda u ita dinomineisheni yashu, uno nwaha, na zwiñwe zwe engedzeaho nga maanda. Disani

luñwalo lwanu lu bvaho kha tshiñwe tshivhidzo tshanu, huno ni tangane na riñe.” Huno zwiłogeni zwi no nga, “Vho engedzeaho nga milioni nga ’44.” Huno vho raloho vhothe, vha a lila, vha tshi khou lingedza u aluwa u fhira dinomineisheni i tevhelaho. Huno nga u ita nga u ralo, ro litshedza dzingole, dza Bivhili. Ro tutshela kule, huno ra thoma u funza zwithu zwo fhambanaho.

⁵⁷ Vhaporofita vho amba nga ha aya maduvha, uri musi, “Vhone, u itela u funza, vha do funza pfunzo ya muthu huno hu si Pfunzo ya Mudzimu.”

⁵⁸ Huno ro no vhona zwinzhisa zwa hezwo, nahone zwo no bvela phanda lwa tshifhinga tshilapfu nga maanda, u swika, ɿamusi, Ipfi la Murena ndi tshithu tshi sa sokou wanala, tshine muñwe a nga da huno a ri, “U RALO MURENA.” Zwino, ro no vha na u edzisela hunzhi ha hezwo. Sañhane zwa vhukuma u kha mushumo. Huno miñwaha minzhi yo fhiraho, vhathe vho vha vha tshi ofha u amba izwo nn̄dani ha musi ho vha hu Murena. Fhedzi, ɿamusi, vha tou sa londa. Fhedzi ndi tshithu tshi sa sokou wanala u pfa Ipfi la Murena, na u wana muthu ane a nga ri, “Murena o amba na nne.” Inwi ni dzhiela nzhele izwo vhukati ha vhathe, a zwi tsheeñ, hune tshothe vha sa pfe tshifhinga tshine vha ri, “Murena o amba na nne.”

⁵⁹ Ngeno, vhanna na vhasadzi vho vha vha tshi anzela u rabela vhusiku hothe, huno mahaya avho o vha o dzudzanyiwa, nga Bugu ya Murena, huno Mudzimu o vha e wa u thoma hayani havho.

⁶⁰ Ni a vhona, ri na zwithu zwinzhisa nga phanda ha Murena. Inwi ni nga si kone u vha na mutangano wa thabelo, ngauri Vho-Godfrey vha khou sumbedziwa madekwana a ɿamusi. Inwi ni nga si kone u vha na mutangano wa thabelo, ngauri *Ri Funy Sucy* u khou sumbedziwa madekwana a ɿamusi. Kana, luñwe lushaka lwa vhuñafuñafu ho tsilufhalaho ñga u ralo, lune lwa dzhia tshifhinga, huno a ri na tshifhinga tsha u pfa Ipfi la Murena. Huno avho vha no amba uri ndi vhone Vhakriste, vha tou gwadama fhasi, lwa thabelo thukhu i no nga iyí, i no nga yo itwa hayani, “Murena, mphañutshedze na muta wanga, huno u ri londe. Vhusiku havhudi.” Huno nga matsheloni a tevhelaho, vuwanu huno ni ri, “Itou ri endedza ñuvha lothe. Masiari avhuñi.”

⁶¹ Ri tea u lindela Murena. Ni a vhona, ri ita u amba hothe. A ri Mu ñei tshikhala tsha u ri fhindula. Izwo, arali ri tshi do rabela, huno ra rabela u swika muya washu u tshi dzhena ngomu Vhuhoneni ha Mudzimu, huno zwenezwo ra tou ñigeda huno ra thetshela Ipfi Lawe.

⁶² Fhedzi hu na maipfi manzhi nga maanda, ɿamusi, a no tuwisa Ipfi la Murena kha riñe. Hu na ipfi la u diphina. Vhathe vhanzhi ñga maanda vha khou thetshela helo, hune vha nga kona u ya huno vha vha na tshifhinga tshi fushaho. Huno vhanzhi vhavho vha ñiita Vhakriste. Luñwe lushaka

lwa roko-na-rolo ya kale lu no khou da, vha tou sa kona u thetshelesa zwine zwa vha zwa u ofha Mudzimu. Vha ri, "Zwo ralo, nne ndi Mukriste, ndi tea u vhala ndimana Bivhilini ḥamusi. Iina, 'Yesu o tswimila.'" Izwo ndi zwone. Bvelani phanda. Fhedzi zwenezwo u gwadama zwa vhukuma na rabela, vha na zwiñwe zwithu zwinzhisa zwine vha tea u ita. Hu na maipfi manzhi nga maanda shangoni, zwithu zwinzhi nga maanda zwi no kungela tshenzhemo yashu kule na Mudzimu.

⁶³ Huno mulovha, musi mufumakadzi na nne ro gidimela supamakete, u wana dzinwe gurosari. Huno ndo vha ndi tshi khou ḥavhanya nge nda vha ndo lenga kha dzindangano na zwithu, nahone ndi tshi khou gidima nga u ḥavhanya vhukuma. Huno ho vha hu na mutukanyana o imaho heneffo, o edela lwa hafu, huno musidzanyana wa kale a da heneffo o ambara zwiñwe zwirukhu, zwe zwa vha zwi zwa muñwe munna. Zwo vha zwe tea u ralo, ngauri zwe vha zwe itelwa munna.

⁶⁴ Huno Bivhili i ri, "Ndi vhułudzi małoni a Mudzimu, musadzi a tshi zwi ambara."

⁶⁵ Huno hu na vhuszhi ha itsi tshidodzamilomo hafha, huno mađo awe a tshi ḥodou nga o edela lwa hafu, a ri, "Naa u ngafhi mukenenene?" kha uyo mutukanyana.

A ri, "Naa ni lavhelela uri ndi ɿivhe hani?"

⁶⁶ A ri, "Inwi ni a elelwa, na kathihi a tho ngo dzhena u swika nga awara ya rathi ḥtha ha tshithoma nga matsheloni ano." Huno o vha a sa fħiri miñwaha ya fumimbili.

⁶⁷ Zwino, Yesu, kha ya fumimbili, we a vha e tsumbo yashu, o ri, "Naa a ni zwi ɿivhi uri Ndi tea u vha kha mushumo wa Khotsi Anga?"

⁶⁸ A zwi mangadzi Ipfi la Mudzimu li tshithu tshi sa sokou wanala ḥamusi. Lo no femelekiswa, nga maipfi manzhi nga maanda, zwithu zwinzhi nga maanda zwi no rivha nahone zwa dzhia. Zwo swika fhethu hune zwa dodephadza zwipfi zwashu, u swika ri sa koni u pfa Ipfi la Mudzimu. Zwipfi zwashu, zwa hune ra tea u ɿidzinginyisa, huno na limuwa uri ni vhanna na vhasadzi, huno ni tsiko ya Mudzimu, nahone no vhewa hafha u Mu shumela. Fhedzi ipfi la Saħħane na vhaporofita vha khole-khole, "Oo, ivhani vha musalauno!"

⁶⁹ Vhunga ndo vha ndi tshi khou amba maduvha a si gathi o fħiraho, ndo vha ndi tshi khou da tshivhidzoni, huno nda funga radio yanga. Huno nda pfa mbekanyamushumo i bvaho Louisville, ye ya amba zwauri vho vha vha tshi khou funza vhana vhavho, zvivhidzoni, u tou nwa lwo linganelaho. Vha tshi khou vha ita uri vha vhe vha musalauno, uri vha songo yesa.

⁷⁰ Oo, vha tea u vha funza Kristo, hu si u nwa. Huno izwo zwi do pwasha na u lozwa na u ḥea samba haya huñwe na huñwe. Naa Ipfi la Mudzimu li nga amba hani vhukati ha muña une wa

vha uri wo kambiwa lwa hafu nga wisiki, nahone ḥhalukanyo dzavho dzo omiswa nga u daha na u nwa, na u nwesa ha vhusiku hothe?

⁷¹ Vhanna vha no lindela Mudzimu, vha dzhena ngomu Vhuhoneni Hawe. Huno u dzhena ngomu Vhuhoneni ha Mudzimu hu tou fana na u bva nga matshelonitsheloni, musi ḥwando na zwiri zwi tshi ḥifhelela tshothe. Musi ni tshi dzhena vhuhoneni ha muthu wa u ralo, ni a zwi ḥivha uri o vha e na Mudzimu.

⁷² Mufumakadzi a amba na nne, ri tshi khou tsela fhasi, matsheloni ano. A ri, “Billy, a thi khou amba izwi u itela u dinakisa kha nnyi na nnyi. Fhedzi,” a ri, “madekwe,” ndi a tenda, kana vhunwe ha masiku, a ri, “Ndo dzula tsini ha muńwe wa vhasadzi vha Vhaamishi vhaṭuku, huno mufumakadzi muṭuku a re na khephe ḥukhu ḥohoni yawe.” A ri, “Huno no vha ni tshi nga kona u amba uri uyo musadzi o vha e na Yesu, ngauri o vha e wavhuđi. Muya wawe wo vha u na vhulenda. Mađo awe o vha o ḥanzwea.” Ho vha hu si na tshivhi kana tshitihu tshi no tea u dzumbiwa murahu, kana tshińwe tshitihu. O vha e Vhuhoneni ha Mudzimu. Zwipfi zwawe zwe vha zwi songo dodořhadzwa, nga wisiki na fola, na tshakha dzothe dza zwithu zwa shango. O vha o dzivhuluswa nga Vhuhoneni ha Mudzimu, a tshi khou vhala Bivhili yawe, a tshi khou guda Ipfi la Mudzimu.

⁷³ Fhedzi, rine Vhaamerika vha musalauno, zwine ra ita! Huno vhaporofita vha khole-khole murahu ha phuluphithi vha ri izwo zwe luga. Nne ndi nga ndi kha muhumbulo wa u amba izwi. Arali nne ndi tshi khou khakha, Mudzimu nkhangwele. Ndi a kwengweledzea uri vhanzhi vhavho a vha ḥivhi Mudzimu. Huno tshivhidzo na kathihi tshi nga si tshirelenga nthanyana ha mufunzi watsho. A zwi mangadzi Luńwalo lu tshi ri, “Avha vhalisa, nga ndila ye vha balanganya samb! Khombo khavho. Ndi vhone matavhī ane a sa ańwe mutshelo, ane a ḥo tupulwa nahone a fhiswa.”

⁷⁴ Hu na zwithu zwinzhi nga maanda zwa u dodořhadza zwipfi zwa vhatu ḥamus! Oo! Fhedzi vhukati ha izwo zweithe, naho hu na u dodořhadza huńwe na huńwe na ipfi ḥinwe na ḥinwe li re shangoni ḥamus! Maiwe ao, maipfi a u diphina. Maiwe ao ndi—ndi maipfi a zwivhi, u ungeledza vhatu. Fhedzi naho hu na kupađa kuńwe na kuńwe kwa izwo, Ngoho ya Mudzimu i kha di vha yo sala, “A no ḥo pfa Ipfi Langa huno a Ntevhela!” Vhanna na vhasadzi vha no ḥo pfa Ipfi la Mudzimu, Mudzimu u kha di lindela u amba na muthu muńwe na muńwe a no ḥo vula ndēvhe dzawe uri a pfe Ipfi la Mudzimu.

⁷⁵ Arali munna, ane a vha ene, na mufunzi... Zwifhinga zwinzhi, vhatu vha ri, “No kundelwa u ita itshi? No kundelwa u gidima nga hafha? No kundelwa u ita itshi?” Oo, ndi funa u zwi ita. Fhedzi ndi khou tea u dzula Vhuhoneni ha Mudzimu

arali nne ndi tshi khou yo ita tshithu nga ndila yone. Zwenezwo vhathu vha ri, “Oo, Mukomana Branham ndi muñwe wa avha vhadzia-u-pinga.” Izwo a si zwone. Ndi funa vhathu, fhedzi hu tou vha na vha zwigidi vhavho. Fhedzi ndi fanela u dzula Nae, u wanulusa zwine A do nnyita uri ndi vha vhudze zwone. Huñwe fhethu, itonu thetshelesa, U do vha na tshiniwe tshithu tshi re tshanu, tshine A ḥoda ni tshi ḫivha nga hatsho.

⁷⁶ Mufunzi, ni songo shuma lwo kalulaho na kathihi hu si na u dzula Vhuhoneni huno na thetshelesa Ipfi Lawe. Mudzimu tshifhinga tshothe u vhulunga Ipfi Lawe. Huno a hu londwi uri zwifhinga zwi nga vhifha hani, uri tshivhidzo tshanu tshi nga funza zwingafhani tshi tshi lwa nazwo, Yesu Kristo u kha di vha a funaho u amba iło Ipfi lițuku lo dzikaho kha nnyi na nnyi a no do Mu thetshelesa. U kha di vha o dilugisela u zwi ita, arali ri tshi nga difhumudza.

⁷⁷ Fhedzi ri gidimela ngomu, ro ḫada, huno ra ri, “I ri ni, mufunzi, naa ndi nga vha murado wa itsi tshivhidzo?”

“Naa ni bva kha tshivhidzo tshifhio?”

“Tshikeneñene.”

“Zwo luga, ri ḫiseleni luñwalo lwañu.” Yawee, nñenñe!

“Naa ndi nga vha murado wa itsi tshivhidzo?”

⁷⁸ “Oo, ee. Idani, huno ri do ni shasha zwițuku, nga mađi, huno ra ñwala dzina lañu kha bugu. Huno ni wana vhuimo ha ndeme ha vhuñama.”

⁷⁹ Zwo ralo, Masonic Lodge i na nzudzanyo ya khwine u fhira iyo. Ndi ngoho. Masonic Lodge na dziñwe nnđu dza vhuawelo dzo luga, fhedzi dici kha di vha uri a si nnđu ya Mudzimu. Henefho ndi hune Mudzimu a amba. Idzo nnđu dza vhuawelo dici lingeda u ni ita wa vhudilisi, fhedzi Mudzimu u ni ita o lugaho nga kha Yesu Kristo, Murwa Wawe. Zwino, hu na khoudi ya milayo ya mikhwa khayo; Mudzimu u na Mbebo ntswa yañu.

⁸⁰ Fhedzi thetshelesani Ipfi lițuku lo dzikaho Lawe. Muñwe na muñwe wa vho inwi vhathu vhane na diita Vhakriste, itani uri ni vhe vho fhumulaho phanda Hawe. Ni songo tendela u ḫanzwa hu tshi ni thithisa. Ni songo tendela mushumo u ni thithisa. Ni songo tendela tshithu u ni thithisa. Ni songo tendela muñwe muthu u ḫivha zwine na khou ita. Itonu ya phanda Hawe. Dzhenani mañakanu huñwe fhethu. Bvelani nnđa nga thungo ha ndila. Dzhenani ngomu lufherani lwa phuraivete huno ni vale vothi. Musi vhana vha tshi swika tshikoloni, benefho gwadamani nga magona anu. No no pfa tshakha dzothe dza maipfi huñwe na huñwe, fhedzi itonu gwadama nahone ni dzule benefho u swika ayo maipfi a tshi fhumudzwa huno na thoma u takulelwa nñha. Li do ni shandukisa. Li do ni ita o fhambanaho, vhunga lo ita uyu

Samuele mułuku. Li do ita tshińwe tshithu kha inwi arali ni tshi do tou zwi ita. Zwino, Li do ni ita zwine na tea u vha zwone. Li do ni ita lushaka lwa Mükriste ane na tea u vha ene.

⁸¹ Zwino kha ri humele murahu kule ha ili ḫuvha la musalauno, u swika ḫuvha lo fhiraho. Kha ri humele murahu kha maduvha a zwifhinga zwi vhilulaho. Huno ili Ipfi la Mudzimu lo dā kha vhathe kha mishumo yothe ya vhutshilo, kha zwikhathi zwothe. A hu londwi arali ni mulimi, arali ni murungi wa zwienda, tshine ni nga vha tshone, Mudzimu u kha di amba. Arali ni muitazwivhi, arali ni murengisamuvhili, phombwe, arali ni tshidakwa, arali ni (mini?) murāđo wa tshivhidzo tsha heneffho, wa dzina fhedzi—wa dzina fhedzi, tshine ni nga vha tshone, Ipfi la Mudzimu li kha di vha lo lindela u amba na inwi.

⁸² Nñe ndi khou elekanya zwino nga ha Mushe, musi o no di vha na miwaha ya fumalo, huno o vha e na miwaha ya fumalo ya u pfumbudziwa lwa theolodzhi. Huno o vha a tshi ḫivha Maiwalo; o vha a tshi a divha zwavhuđi. Huno o vha e na pfulufhedziso khae, ya uri o vha a tshi khou yo vha muphulusi wa vhathe vha hawe. Fhedzi, naho zwo ralo, u tou ḫivha Maiwalo na u vha murāđo wa tshivhidzo tsha ma—maitele wa itsho tshivhidzo tsha musalauno nga iļo ḫuvha, a dzhia itsho tshithu nga zwanda zwa ene muñe huno a lingedza u zwi ita. A vhulaha Muegipita. Ni a vhona zwine na ita hu si na u thetshelesa Mudzimu? Ni sokou zwi ḫapanyedza.

⁸³ Huno musi Diabolo, matsheloni ano, a tshi do ri, “Ni songo lovhedzwa.” Muńwe u do ri, “Oo, zwi iteni ngavhuya.” Muńwe u do ri, “Ndi khwine ni tshi vha na ngoho ya uri ni a ḫivha zwine na khou ita.” Huno muńwe u ri, “Ni khou yo xelewla nga tshifhinga tshi fushaho.” Ndila fhedzi ya u dzudzanya izwo, ndi u ya kha Ipfi la Mudzimu nazwo. Fhedzi vhathe, ḫamusi, a vha vhonali vha tshi ḫoda u ita hezwo.

⁸⁴ Huno, Mushe, o vha o ya kha vhorabi vha khwinesa, fhedzi vho vha vho no vha vha maitele nahone vha tshi rothola. O vha o no pfa nganea ye mme awe vha mu vhudza, ndila ye a dzumbiwa ḫhangani, na ndila ye ngweña khulu dza kündelwa u mu fara. Ndila ye itsho, tsho papamala u tsa na ulwo ludambwana, tsha vha tshi ulwo lushie lułuku. He ulwo . . .

⁸⁵ Ngweña idzo dza kale dzo vha dzo tou nona. (Izwi ndi zwa vhana vhałuku.) Dzo vha dzo nona, nga u la avho vhana vhałuku. Vho vha vhe na vhasadzi vha kale vha ningó dza huka, vhasadzi vha tshipholisa, na kathihi a vho ngo vha na lushie, a vho ngo ḫivha uri lufuno lwa kha lushie lwo vha lu hani. Mulandu, vho tou bva heneffho huno vha dzhia huno vha vhulaha uvho vhushie vhałuku, huno vha vhu posela nnnda mulamboni. Idzo ngweña dza kale dzo vha dzo tou nona, nga uvho vhushie vhałuku.

⁸⁶ Huno, naho zwo ralo, Mudzimu o vhea kha mbilu ya mme u vhea lushie lwawe heneffho lufuni. Naa a ni zwi vhoníuri ho

vha hu tshifanyiso tsha Kristo? O ya heneffo ngomu lufuni. Huno inwe na inwe ya idzo ngweña dza kale yo vha i tshi da kha uyo manngi mutukutuku u tshi tsa nga mulambo. Ni a zwi divha uri ndi ngani dzo kundelwa u zwi ita, uri ndi ngani dzo kundelwa u la ulwo lushie lutuku? Ho vha hu na Muruňwa o dzulaho heneffo. “Tuwani hafha.”

⁸⁷ Ndi ngani? Mudzimu u laya Vharuňwa Vhawe u linda vhathu Vhawe. Ni songo tshuwa, mufunwa. Mudzimu u khou ni linda. Diabolo a nga di lingedza u ita tshiňwe tshithu kha inwi, fhedzi Mudzimu ndi muhulwane u fhirisa. Ni a vhona?

Ngauralo, ngweña dzo tea u shavha uyo manngi mutuk.

⁸⁸ Huno, naho zwo ralo, Mushe o divha izwi zwithu zweþhe. Huno, naho zwo ralo, nga murahu ha miňwaha ya fuina ya u pfumbudziwa, huno zwenezwo sogani, o di lingedza u pfukisela itsho tshithu, zwandani zwawe.

⁸⁹ Ri divha Bivhili, zwine Mudzimu a ri zwi itwe, huno naho zwo ralo ri ri, “Zwo luga, zwino, ri do ita uri Ili li vhe nga iyi ndila. Hu, tou vha uri, maduvha a madembe ha tsha vha nga u ralo. Ri a zwi divha uri a ri tendi uri ri kha di a vhona, nahone ri tenda uri maduvha a madembe o fhira. Huno u shasha hu tou vha havhuði u fana na u mbwandamedza. Huno ‘Khotsi, Murwa, na Muya Mukhethwa’ zwi tou vha zwavhuði vhunga Dzina la Murena Yesu. Huno ngauralo ri do tou... Vhainwe vhoþhe vha khou tshimbila nga iyo ndila, ngauralo ri do tou ita hezwo, na riþe-vho.”

⁹⁰ Mushe o vha e munna wa mmbi. Huno o elekanya uri ndila ye a pfumbudzwa ngayo, sa munna wa mmbi, uri o vha a tshi nga sokou vhulahekanya avho Vhaegipita nga tshanda tshawe. “Zwi do tou vha zwavhuði u fana na zwe Mudzimu a ita.” Naa no no vhuya na elekanya nga hazwo? Muňwe na muňwe u haþula Mushe nga ñwambo wa u vhulaha munna muthihi. Huno u vhuya murahu fhasi heneffo e na ndodzo ya Muya Mukhethwa huno a vhulaha tshithu tshoþhe, a hu na we a amba tshithu nga hazwo. O vhulaha mmbi ya Farao yoþhe, fhedzi Mudzimu o vha e khazwo. Mudzimu o vha a siho kha ya u thoma.

⁹¹ Huno zwenezwo Mushe, o tou gidelwa o dala theolodzhi ya tshivhidzo, o vha a tshi tea u vha farao a tevhelaho. Huno ri a mu wana, a tshi kha di vha a sa divhiho Mudzimu.

⁹² Fhedzi nga maňwe matsheloni, nga ngei thungo ya murahu ha phanga, munna wa kale wa miňwaha ya fumalo, ndebvu dzawe dzi tshi khou nembelela fhasi, a vhona tshiþaka tshi no khou swa. Huno a rembuluwa uri a vhone zwe zwa vha zwi tshi khou bvelela. Huno musi a tshi swika tsini na tshiþaka, a pfa Ipfi. Mudzimu o do tea u ita uri a dzike lwa miňwaha ya fuina, a sa athu U vhuya a amba nae. Huno ri nga si dzule ra dzika lwa miniti dza fumi, uri Mudzimu a kone u amba na riþe, ri na u bvuma na u ñoňa hune ra vha naho ha ñamusi.

⁹³ Huno naho zwo ralo, Mushe, nga murahu ha miñwaha ya fuña, a ima heneffo, nahone Vhuhoneni ha itsho tshiṭaka. Huno ijo Ipfi l̄ithihi ḥe la mu vhidza, o ḫivha zwo engedzeaho nga ha Mudzimu nga miniti miñanu, nga murahu ha hezwo, u fhira zweñothe zwe miñwaha ya fumalo ya u pfumbudziwa ya mu funza zwone. Yo mu ita munna o fhambanaho.

⁹⁴ Li do ni ita munna na musadzi o fhambanaho, arali ni tshi do tou ima na dzika tshifhinga tshilapfu lwo edanaho u pfa Ipfi Ławe, vhunga Samuele o ita. Imani ni dzike. Ni songo nyanyulea. Arali ni tshi ḥoda tshiñwe tshithu tsha Mudzimu, Mu humbeleni; zwenezwo imani ni dzike nahone ni thetshelese, ni vhone zwine A khou yo amba nga hazwo. Itonu vula mbilu yanu, ni ri, "Mini-ha nga hazwo, Murena Yesu?" Itonu dzula heneffo. Arali A sa fhinduli kha awara thanu dza u thoma, zwenezwo lindelani dziñwe. Arali A sa fhinduli ḥamusi, zwenezwo U do fhindula matshelo. Arali A sa fhinduli ino vhege, U do ralo vhege i daho. Dzulani heneffo u swika A tshi fhindula.

⁹⁵ Ipfani Ipfi Ławe ḥi tshi fhindula, mbiluni yanu, huno la ri, "Ee, Ndi nñe Murena a no u fhodza." Zwenezwo zwo fhela tshoñothe. Ni nga dzulisea-ha. Ni a vthona? "Ndi nñe Murena A no hangwela zwivhi zwau zweñothe. Zwino iya huno u songo tsha ita tshivhi. A thi u hañuli." Zwenezwo ni nga ḥuwa no vhofholowa. No luga. Fhedzi ni ḥoda u vha na ngoho ya uri no pfa ijo Ipfi li tshi amba. Mushe o Li pfa. O vha munna o shandukaho.

⁹⁶ Sedzani Yesaya, muporofita. Vhunga muñhannga, o ita uri zwi itwe. Khosi Usia muhulwane a funwaho, maduvhani ayo, munna o lugaho, munna wavhuđi. O vha a tshi funa Yesaya, ngauri o zwi ḫivha uri o vha e muporofita. Huno ngauralo a sokou gogodela tshanda tsha khosi. Tshiñwe na tshiñwe tshe a ḥoda, mulandu, Usia o mu nea. Huno tshifhinga tshiñwe na tshiñwe tshe a ḥoda tshiñwe tshithu, mulandu, khosi yavhuđi yo vha i tshi do mu nea. Fhedzi ho da tshifhinga tshe khosi ya dzama.

⁹⁷ Vhuando vhu lozwa vhatu tshifhinga tshoñothe. Itsho ndi tshithu tshi kondaho u tshi amba. Fhedzi vhuando vhu ḥuwisa munna kule na Mudzimu. Mudzimu o amba fhethu huthihi, Bivhilini, tshiñwe tshithu tshi re nga ulu luta, huno A ri, "Musi Ndo u fhañutshedza, huno ndo u nea zwinzhi. Musi wo vha u mushai huno wo vha u si na tshithu, Ndo da kha iwé, huno wo Mpfa huno wa Ntshumela. Fhedzi musi Ndo u fhañutshedza huno nda u nea vhusnzh, zwenezwo wo rembulusela ḥohó yau kule na Nne." Izwo ndi zwe Amerika ya ita, vho rembulusa ḥohó dzavho.

⁹⁸ Izwo ndi zwe zwivhidzo zwa ita. Inwi ni nga dzula nnda dzikhudani, huno na vha na zwifhaño zwihulwane zwavhuđi, na dolara dza dzimilioni nga...dzo vhweta ngomu hazwo, huno tshiñwe na tshiñwe tshi tshi leluwa sa zwine tshi nga vha ngaho. A zwi mangadzi ni si na tshifhinga tsha u pfa Ipfi la Mudzimu. Fhedzi lindelani u swika awara i tshi da musi izwo

zwo no dzhiwa, zwenezwo ni do tulutshelwa u Li pfa. Tshiñwe na tshiñwe ndi tshavhuđi zwino, fhedzi awara i khou da musi zwi si tsha do vha nga iyo ndila.

⁹⁹ Ngauralo, Yesaya, o kona u gogodela kha tshanda tsha khosi. Huno o vha e muñhannga a funwaho, nahone hu na maya wavhuđi kha uyu muñhannga, ngauralo khosi yo vha i tshi mu funa. Huno nga liñwe duvha, zwitikedzi zwa kunuwa phasi hawe. Khosi ya dzama. Huno musi khosi yo dzama, zwenezwo Yesaya a tea u ya e eþhe. Huno zwenezwo a thoma u sedza u mona hothe, huno a wanulusa zwauri nnyi na nnyi o vha a sa ngi khosi.

¹⁰⁰ Ni do rahelwa nnđa, nga mañwe a aya mađuvha, kha avha vha re vha muñganelano ngaurali. Hu do da tshifhinga tshine na do tea u vha wa dzangano, kana ni nga si luvhe. Vhunga ni tshi zwi ðivha, Luñwalo lu amba zwauri zwi do ralo. Vha tou tambo nga inwi zwino. Fhedzi hu do vha na tshifhinga tshine ha do vha na boikhotho, ngauri luswayo lwa livhanda lu fanela u da. Ni do vha wa dzangano la zwivhidzo, livhanda vhunga li ngei Roma, kana ni nga si luvhe na luthihi. Izwo ndi zwine Luñwalo lwa amba. Izwo ndi musi ni tshi do tea u lila vhunga Yesaya.

¹⁰¹ Huno o tsela phasi thembeleni, huno a limuwa tshifhingani itsho. A imisa zwanda zwave huno a ri, "Oo Murena, nñe ndi munna wa milomo i songo kunaho." Inwi ni elekanya zwauri ni wavhudji, fhedzi lindelani u swika itsho tshifhinga tshi tshi da. "Ndi dzula vhukati ha vhatu vha milomo i songo kunaho." Naa o ita mini? O hanganea.

¹⁰² Huno musi ni tshi hanganea nga ha itsi tshithu, tshiñwe tshithu tshi do itea. Inwi a no ngo hanganea lwo edanaho. "Oo, zwo luga, ndo vha murađo wa tshivhidzo. Izwo zwi a li ladza." Fhedzi ni tea u hanganea nga hazwo. Ni tea u ðoda Mudzimu zwa vhukuma.

¹⁰³ Yesu o ri, "Vho fhañutshedzwa avho vha no farwa nga ndala na dora la u luga, ngauri vha do dadzwa."

¹⁰⁴ Fhedzi samusi ni tshi fushwa nga zwithu zwa shango, naa Mudzimu a nga vhuya a amba hani na inwi? Inwi ni ri, "Mudzimu ho ngo amba na nñe." Ndi ngani? U a ðoda u ralo. Fhedzi no ðala lwo kalulaho nga zwithu zwa shango. Iyo ndi yone thaidzo kha riñe ñamusi. Ri vhea tshifhinga tshashu tshoþhe kha zwithu zwa shango, na u diphina ha shango, huno ra sa ñee Mudzimu tshifhinga. Ndi ngoho.

¹⁰⁵ Zwino, ri a wanulusa uri Yesaya o do hanganea. Huno o zhamba, huno a bula zwivhi zwave, nahone a bula zwivhi zwa vhatu. Musi o no fhedza u bula, a pfa phosho nga ñtha hawe. Huno musi a tshi sedza ñtha, ho vha hu na Vhakerube, vha tshi khou fhufha phanda na murahu kha tshifhaþo. Phapha dzo vha dzi kha zwifhaþuwo Zwavho, na phapha kha

milenzhe Yavho, huno vha tshi khou fhufha nga dziphapha, vha tshi vhidzelela, “Mukhethwa, mukhethwa, mukhethwa, Murena Mudzimu Ramaandaōthe.”

¹⁰⁶ Tshiñwe tshithu tsho vha tshi tshi khou itea. Yesaya o do hanganea. Mudzimu u da kha mushumo. Huno Yesaya a zhamba, “Ndi na milomo i songo kunaho,” ngauri Ipfi li kha di bva u amba. Lo mu shandukisa.

¹⁰⁷ “Naa ndi nnyi a no do yela Rine?” lo amba Ipfi. “Naa ndi nnyi a no do ya? Naa ndi nnyi a no funa u ima vhukati, vhukati ha itshi tshivhalonyana tsha vhoratheolodzhi? Naa ndi nnyi a no do ya nga lino ḫuvha, huno a amba zwauri Nne ndi kha di vha Mudzimu? [Mukomana Branham u khokhonya kha phuluphithi kavhili—Mudz.] Naa ndi nnyi a no do ya huno a haṭula u sa kuna havho? Naa ndi nnyi a no do kwashékanya dinomineisheni dzavho huno a fhaṭa maanda a Mudzimu hafhu? Naa ndi nnyi a no do ya?”

¹⁰⁸ Yesaya o ri, “Murena, ndi sa athu ya, ndi tea u ḫadulwa.” Dziñwe dza idzi nyofho ḫukhu na dzindado dzo do tea u mu ḫutshela.

¹⁰⁹ Ngauralo zwi do vha kha muthu muñwe na muñwe ane Mudzimu a mu vhidza! Inwi ni tea u bebwa hafhu, na shandukiswa na itwa muswa. Hu si khumbulelo; fhedzi zwi tshi bva mbiluni yañu, tshiñwe tshithu tshine zwa vhukuma tsha itea. Huno muñwe wa Vharuñwa...“Arali ni tshi humbela, ni do ḫanganedza.”

¹¹⁰ Muñwe wa Vharuñwa o ya ngei kha aliṭari ya musinaseṭha, huno a dzhia lumano huno a swikelela huno a wana simbe la Mulilo u tshilaho, huno a gidimela ngei kha Yesaya huno a li vhea mulomoni wawe. Ha pfi, “Zwino wo kuna. Iyani, ni ambe Ipfi.” Yesaya a shandukiswa nga murahu ha musi o pfa ilo Ipfi.

¹¹¹ Zwenezwo kha miñwaha yawe ya ngavhuya, a ñwala Bivhili yo fhelelaho. O thoma kha Genesi huno a guma kha Dzinzungbululo. Hu na Bugu dza furathirathi dza Bivhili; hu na ndima dza furathirathi dza Yesaya. Ndi ngani? Ngauri o do hanganea, nga tshifhinga tshe a Li vhona uri li a ḫodeswa.

¹¹² Daniele, fhasi ngei Babele, vhunga ro amba nga hae madekwe. O vha o no vhekanya mbiluni yawe zwauri a nga si dishate tshika nga pfunzo dza Babele. Fhedzi nga liñwe ḫuvha, henengei fhasi, Daniele a vha na ḫodea. Huno o zwi ḫivha zwauri o vha a tshi ḫoda u pfa Ipfi la Mudzimu, naho zwo ralo o vha e na Mañwalo. Fhedzi o ḫoda u pfa Ipfi la Mudzimu. Huno a tsela fhasi kha mulambo wo raloho. Huno ho ngo tou tsela henengei fhasi huno a paka goloi yawe nahone a gwadama fhasi ḫhangani, huno a ri, “Murena Mudzimu, ndi ḫodou pfa Iwe. Naa U ngafhi?” Hai. Inwi a ni zwi iti nga iyo ndila. Yesaya

o vha o no dzhia goloi yawe, na vshareili, huno o no tsela mulamboni nahone a vha rumela murahu. O vha a tshi khou yo dzula u swika o no pfa. Iyo ndi n̄dila. O hanganea nga hazwo.

¹¹³ O do tea u ya thwii kule na maswole othe, na vhasedzaaledzi vhothe, na vhanna vha vhuṭali, madokotela othe a theolodzhi, na vhaṇwe-vho, vhe vha vha vha tshi khou lingedza u mu vhudza, “Itshi! Inwi ni ita *itshi*, Daniele. Inwi ni ita *itshi*, Daniele.” Fhedzi o ṭutshela kule hatsho tshothe. Iyo ndi n̄dila ine na tea u ita. Huno a tsela fhasi mulamboni, huno a dzūla heneffo lwa maduvha a fumbilinthihi, a tshi khou ita tsimbe na Muruṇwa wa Murena.

¹¹⁴ Fhedzi ri a vhudzwa zwauri o sedza nn̄da kha madi. Heneffo o vhona Muruṇwa o ima, mulenzhe Wawe u kha shango na lwanzhe. Huno a imisa zwanda Zwawe huno a ana nga Uyo a no tshila lini na lini na misi yothe, “Musi zwithu zwe Daniele a zwi vhona zwi tshi khunyelela, tshifhinga a tshi tsha tea u vha hone.” O vha o no lengiswa nga mađuvha a fumbilinthihi nga nwambo wa vhuvi ha shango.

¹¹⁵ Huno arali O lengiswa nga mađuvha a fumbilinthihi nga nwambo wa vhuvi ha iļo shango, mađuvhani a Peresia, naa U do vha mini kha lino đuvha? Naa U do lengiswa tshifhinga tshingafhani? Fhedzi ulwo lutendo lu sa fi, iyo ndala na lutamo mbiluni ya muthu, zwine zwa sa do ri hai kha Mudzimu, fhedzi zwi tshi do farelela u swika Mudzimu a tshi amba Tadulu. Inwi ni nga si tambe nga Aya, nga Aya Mafhungo-mađifha. A si a u tambiwa ngao. A fanela u rwa kubigiri, kafumi kha fumi. Zwi tea u vha two fhelelaho, kana a si zwone huno zwi nga si shume. Zwi tea u vha two fhelelaho. Daniele o rabela.

¹¹⁶ Ri a wana Bivhilini, kha ndima ya vhu8, ndima ya vhu7 kana ya vhu8 ya Bugu ya Mishumo, uyo, Mufarisei muṭuku, o diitaho ane dzina a pfi Saulo. Oo, o vha e ratheolodzhi, zwo luga. O vha o no dzula fhasi ha pfunzo ya Gamaliele huno e na Maṇwalo othe, u tsa fhasi nga n̄dila ine zwa tea u vha ngayo, u ya nga vhoratheolodzhi vha iļo đuvha, oo, vha tshitaela tshavho nahone vho diitaho. Huno o vhona vhatthu vha tshi khou ita tshinwe tshithu tshe tsha vha tshi tsha maya, huno theolodzhi yawe yo itwaho nga muthu a yo ngo anđana Naļo.

¹¹⁷ Ndi mavhambe-de na namusi nandi! U fhulufhedzea na u fulufhedzea mbiluni, sa zwine vhatthu vhanzhi vha vha zwone, vha elekanya zwauri vhatthu vho bebwaho hafhu vha a penga. Vha elekanya zwauri phodzo ya Muya na maandā a Muya Mukhethwa ndi tshinwe tshithu tshire vha *amba* nga hatsho, fhedzi ndi ngoho.

¹¹⁸ Ngauralo musi o vha e ndilani yawe ya u tsela Damaseko, linwe đuvha, e na dziṇwē ndaela tshikwamani tshawe, dzi bvaho—dzi bvaho kha mubishopo wa tshivhidzo, u tsela fhasi huno a tshinyadza itsho tshivhalonyana tsha

vhavhumbuluwi-vhakhethwa vhe vha vha vha tshi khou zhamba na u ṭavha mukosi, na—na u fhufhela n̄tha na fhasi, huno vha tshi amba nga nyambo dzisili, nahone—nahone vha tshi fhodza vhalwadze. “Huno, mulandu, ndi tshivhalonyana tsha vhodiabolo,” vho amba vhoratheolodzhi. “Tselani fhasi huno ni vha fare, huno ni vha ḋise ngeno murahu hafha n̄tha nga dzingedane!”¹¹⁹

¹¹⁹ “Ngocho. Ndo ḋiimisela u u shumela, mubishopo!” Yawee, nnenne! Oo, o vha e munna muhulwane. O vha e na D.D., Ph. D., ni a ḋivha. Ngauralo a fhufhela kha bere yawe, huno a ṭuwa, e na vhańwe.

¹²⁰ Fhedzi ndilani yawe, hu tshi ṭodou vha masiari tshivhangalala, Tshińwe tshithu tsha mu wisela fhasi. Huno a vhumbuluwa buseni, vhunga munna a pengaho, a tshi bvisa bulo. Huno a pfa Ipfi li tshi ri, “Saulo, Saulo, ndi ngani u tshi Ntovhola?” Naa ho vha hu mini? Hu si muńwe ratheo-...ratheo-...ratheolodzhi a no khou amba nae. Fhedzi Ipfi li bvaho Ṭadulu, “Ndi ngani u tshi Ntovhola?”

¹²¹ Huno a rembuluwa buseni, huno u sinalala hawe ho vha ho dala tshothe nga buse, na mitodzi i tshi elela maramani awe, thańwe. A ri, “Murena, Iwe u Nnyi?” Huno musi o no poidza maṭo awe, a vha o pofulaho sa nyamulemalema.

¹²² Heneffo ho vha ho ima Khavhu ya Mulilo khulu phanda hawe. Huno Ipfi li bvaho Khayo, ḥa ri, “Ndi n̄ne Yesu, Ane wa khou mu tovholo. Pfunzo yo itwaho nga muthu yau yo khakhea.” Naa ho vha hu mini? Ho vha hu na bono lo vuleaho. Ipfi ḥa Mudzimu lo itwa ḥa vhukuma.

¹²³ Oo, vharathu, ilo ndi lone ḥine ra ṭoda ḥamus, ndi lo engedzeaho li no nga ḥenelelo.

¹²⁴ Ndi ṭoda u livhuwa Murena fhedzi. Avha vhasidzanyana, vhe kha zwidulomilinga madekwe, vha tshi khou da, vha tshi khou tshimbila n̄tha ḥamus, nahone vha si na zwidulomilinga, ngauralo vha khou ṭuwa. Uh-huh. Murena a ni fhatutshedze, vhasidzana, no dzula heneffo. [Tshivhidzo tshi a takala—Mudz.] Naa ndi mini tsho zwi itaho? Yesu a sa shanduki we a amba nga Ipfi ḥa n̄tha ha mupo murahu hangei, u kha ḋi amba na ḥamus.

¹²⁵ “Saulo, Saulo, ndi ngani u tshi Ntovhola?” Saulo o vha e munna o shandukaho.

¹²⁶ Huno vhatu vha tea u shandukiswa ḥamus musi vha tshi kona u vhona nahone vha pfa Ipfi ḥa Mudzimu a tshilaho li tshi amba vhunga O ita musi A tshi tshimbila ngei Galilea. Oo, ngocho!

¹²⁷ “Saulo, Saulo, ndi ngani u tshi Ntovhola?” Naa ndi mini tsho zwi itaho? Naa O mu dzhia a mu isa fhasi kha seminari huno a mu funza ińwe theolodzhi ntswa? Hai, Ho ngo ita. Naa O ita mini? O amba nae, huno ho vha hu na Ipfi lo buletshedzwaho li ambaño nga kha Gole. Naa ho vha hu mini? Mudzimu onoyo muthihi we a bvuma Thavhani ya Sinai.

¹²⁸ Miṭanganoni, kha mafhethu ane Muya Mukhethwa wa da, ni pfa ipfi ḥa muthu ḥo shanduka. Huno hu si na u ḫivha tshothe, dziABC, fhedzi Kristo u a kona u dzhia ḫilo ipfi ḥuno a amba zwiphiri zwa Mudzimu Ramaandaothe. Zwi tea u shandukisa munna na musadzi muñwe na muñwe a no dzula Vhuhoneni Hawe...?... “Ndo pfa Ipfi,” o amba. Oo, ri kumedza nga maanda. Ndi a fhulufhela uri zwi nga si, zwi do tea u itwa uri zwi vhe khagala u fhira hezwo. Fhedzi ri a kumedza nga maanda zwivhidzoni zwashu, kha thelodzhi yashu, kha kuelekanyeleye kwashu, na kha ndila dzashu dza vhutshilo, u swika ri tshi kundelwa u pfa ḫilo Ipfi musi Li tshi amba.

¹²⁹ “Oo,” vha ri, “hu nga di vha u vhala muhumbulo. Hu nga di vha, ni a ḫivha, hu nga di vha *itshi*, *itsho*, kana *tshinwe*.”

¹³⁰ Mini-ha arali Mushe o vha a tshi do vha o ri, “I ri ni, ndi a mangala arali ḫilo lo vha li lidimoni kha itsho tshitaka?” Huh! A hu na mbudziso kha Mushe, o pfa Ipfi.

¹³¹ Arali inwi ni tshi ri, “Oo, hu nga di vha fhedzi luvalo lwanga lu no khou mmbudza hezwo.”

¹³² Arali ni ñwana wa Mudzimu, ni do zwi ḫivha uri ndi Ipfi Lawe. “Nngu Dzanga dici pfa Ipfi Łanga. Nngu Dzanga dici pfa Ipfi Łanga.” Dzi do ḫivha.

¹³³ Ho vha hu na muñwe, ane dzina a pfi Petro, we a vha o no tshidzwa, nahone na ene o ḫala Muya. Huno o vha a tshi kha di toda u nambatela maitele a vhahulwane. Zwothe zwe a vha a tshi do zwi ḫivha, zwo vha zwi tshi do vha zwo vha hafha kha Ipfi. Huno nga liñwe duvha, kha ḫhangya nn̄du, musi a tshi toda u vhulunga maitele a, “Ni songo ñama...u la ñama iñwe na iñwe-vho, na dzisabatha, na zwiñwe-vho.” Hu na vhathe vhanzhi vhavhuđi vhane vha kha di lingedza u farelela kha zwithu zwi no nga izwo.

¹³⁴ Huno nga liñwe duvha musi o vha e n̄ha ha ḫhangya ya nn̄du, a pfa Ipfi le la ri, “U songo vhidza izwo zwe Nda zwi kunakisa, ‘zwi songo kunaho.’”

¹³⁵ Mudzimu, ndi tama O vha a tshi do dzhia tshivhalonyana tsha vhareri govhani ili hafha, huno a ita uri vha zwi ḫivhe uri a ri pengi, a ri vhavhumbuluwi-vhakhethwa, tshivhalonyana tsha mathukhwi. Ndi Muya wa Mudzimu a tshilaho. Huno vhanna na vhasadzi vho kambiwa nga vhudi Hawe. A si vhuloi kana u vhala muhumbulo wa thohoni. Ndi Muya wa Mudzimu a tshilaho. Vhopholowani kha maitele aŋu, vhahulwane, huno ni thetselese Ipfi ḥa Mudzimu a tshilaho. Li do ni shandukisa. Ni nga si vhe muñwe wa vhatovholi. Ni do toda u vha muñwe wavho. Arali ni tshi nga fhira zwithivheli zwa pfunzo dzañu dzothe, u swika ni tshi kona u papamala ngomu Vhuhoneni Hawe hangei, tshinwe tshithu tshi do itea. Ni nga si tende uri mađuvha a madembe o fhira. Ni do tenda zwauri a henehafha, ngauri liñwe li do itwa kha inwi, ngoho, u shandukisa munna.

Izwo ndi zwine Ipfi ḥa Mudzimu tshifhinga tshothe ḥa ita. Li shandukisa vhanna na vhasadzi huno ḥa vha ita zwine vha tea u vha zwone; hu si zwe zwikolo na vhadededzi vha ita, fhedzi zwe Mudzimu a vha itela paṭeroni yazwo.

Ipfi, li tshi amba! “Ndo pfa Ipfi.”

¹³⁶ Oo, nga ndila ine nda do takalela u dzhena kha tshenzhemo dzanga. Huno nga ndila ine na do funa u ya kha vhutanzi hanu, vhanzhi vha vhoiñwi vhanna na vhasadzi vhe na pfa Ipfi Ławe.

¹³⁷ Huno ndi elelwa ndi tshi Li pfa musi ndo vha ndi tshi kha di tou vha mutukanyana, kule fhasi dzithavhani dla Kentucky. Huno ndo elekanya uri Ho vha hu tshinoni tsho dzulaho murini, fhedzi tshinoni tsho fhufha. A ri, “U songo ofha, ngauri u khou do ḥuwa hafha nga liñwe duvha, huno wa dzula tsimi ha mudi u vhidzwaho New Albany.” Nda pfa Ipfi Ławe musi A tshi ri, “U songo daha, kana wa nwa, kana wa tshikafhadza muvhili wau nga vhasadzi na zwiñwe-vho. Hu na mushumo une wa do ita musi u tshi vha wa kalenyana.”

¹³⁸ Oo, U kha di vha Murena Mudzimu a sa shanduki. Huno ni a Mu pfa, awara na awara, a tshi khou amba na inwi kha lufhera lwanu luṭukutuku, lufherani lwanu lwa thabelo. Na bvela nnnda kha vhathetshelesi, zwenezwo na amba ni tshi vhonala kha vhatku. Ipfi ḥa Mudzimu, Lo vha li ḥa vhuthogwa mađuvhani a Samuele. Ndi ḥa vhuthogwa ho engedzeaho ḥamusi. Ngauri, ho vha hu si na bono lo vuleaho.

¹³⁹ Petro o pfa Ipfi, huno Ła shandukisa theolodzhi yawe yothe. O ya tswititi kha Vhannda, vhe a elekanya uri ndi tshivhalonyana tsha vhalatwa vha songo funzeaho. Fhedzi, Ipfi ḥa Mudzimu, hu si pfunzo yawe, Ipfi ḥa Mudzimu a tshilaho lo mu shandukisa.

¹⁴⁰ Huno zwino luthihi fhedzi. Ho vha hu na munna wavhudzi, nga tshinwe tshifhinga, Bivhilini. Muthu o dowelanaho na Yesu, we a Mu funa, huno a tenda Khae, huno a Mu luvha, huno a tamba Nae, nahone a dzhena mivhunduni Nae, na phasi ngei mulamboni, a tshi khou rea khovhe Nae. O vha e munna wavhudzi. Liñwe duvha, musi Yesu o ḥuwa, lufu lwa dzhena lu tshi khou tswa ngomu lufherani lwawe.

¹⁴¹ Huno o vha o no tutshela tshivhidzo tsha kale tsha lutendo kwalwo, ene na khaladzi dzawe dzavhudi, Martha na Maria. Huno vho vha vho no bvela nnnda ngauri vho vha vha tshi Mu funa, nahone vha Mu tenda u vha Mesia. Huno nga u ita nga u ralo, tshivhidzo tsha vha khaula nga u ḥavhanya.

¹⁴² Huno uyu muhannga a lwala nga maanda u swika a tshi fa, huno o vha o no swiñwa, mađuvha maña. Naa pfunzo dza theolodzhi dzi do farisani-ha? Naa tshivhidzo tshawe tshi farisani-ha? Fhedzi ho vha hu na Ipfi ḥa Mudzimu, kha lifhasi, huno A amba na Lazaro. Huno Lazaro, munna we a vha o fa nahone o sina tshaloni, o pfa Ipfi Ławe, huno a bvela nnnda nahone a tshila hafhu.

¹⁴³ Ndo vha ndo fa luthihi, tshivhini na dziphambuwoni. Inwi no vha no fa tshivhini na dziphambuwoni. Fhedzi ho vha hu Ipfi la Mudzimu le la ri, “Idani ha Nne, nothe no netaho nahone no lemelwaho, Ndi do ni nea vhuawelo.”

¹⁴⁴ Ndo no vhona Ipfi li tshi amba na muholefhali, la mu onyolosa. Ndo no vhona Ipfi la Mudzimu li tshi amba na bofu, huno maço aloya bonyolowa. Kha a faho, o tāhadzwaho nga pfuko, kha wa mapele, nda vha vhona vha tshi vhuya murahu namani, vhe na mutakalo wo fhelelaho hafhu. Ndo no Mu vhona a tshi amba na phuli dza halwa, na vha mazhuluzhulu, na vhalatwa, na tshivhalonyana tsha dzigobi, huno vha vha vhafumakadzi na dzinzhinga, na vhakhethwa vha Mudzimu a tshilaho, ngauri Ipfi la Mudzimu lo amba. Ilō ndi lone line ra li thetshelesa, namusi.

¹⁴⁵ I ri ni ndi vale nga u amba izwi. Hu do da tshifhinga, tsha musi muya u mangalaho waṇu wo no bviswa muvhilini waṇu, huno u kha vhuyo hawo huṇwe fhethu, u tshi khou tendelekā hangei swiswini, kana ngomu marumbini a Mudzimu. Ilō Ipfi li do amba hafhu. Huno Bivhili yo amba, zwauri, “Vhothē avho vha re tshaloni vha do pfa Ipfi Lawe, huno vha do bvelā nnđa. Vhaṇwe vha do da kha thoni dza lini na lini na u nyadziwa. Huno vhaṇwe vha do da kha mulalo na dakalo la lini na lini.”

¹⁴⁶ Aya matsheloni a nga di vha tshifhinga tshine inwi na vhekanya thalukanyo yanu, uri kana ni khou yo thetshelesa zwine thelevishini ya amba, kana zwine bambiri ya amba, kana zwine vhoratheolodzhi vha amba, kana zwine Mudzimu a amba. I ri ni ndi ni vhudze, sa vhathu. Ni songo thetshelesa zwine tshiṇwe na tshiṇwe tsha amba, nga nnđa ha zwine Mudzimu a amba. Lindelani ilō Ipfi lo dzikaho, lituku, huno U do ni shandukisa.

¹⁴⁷ Inwi ni ri, “Ndi takalela u tenda, Mukomana Branham. Ndi tama ndo vha ndi tshi nga tenda. Ndi tama ndo vha ndi tshi nga ita zwiṇwe zwithu.” Fhedzi ni nga si kone. Ndi ngani? A ni fhumuli lwa tshifhinga tshilapfu lwo edanaho. A ni dzeni fhethu hune u—u timatima hothe ha vha ho ḥuwa.

¹⁴⁸ Musi ni tshi dzhena fhethu hune u timatima ha vha ho no fhira, zwenezwo ni do vhofholowa, huno ni kona u pfa Ipfi la Mudzimu li tshi amba. “Nwana Wanga, Ndi nne Mutshidzi wau. Nwana Wanga, Ndi nne mufhodzi wau. A u tei u ita izwi zwithu. Ndo fa uri u kone u vhofholowa. Fhedzi samusi u hafha phasi kha uyu munzenzero, wo tanganywa nga tshakha dzothe dza maipfi, itou vhudzulea kule nadzo dzothe.”

¹⁴⁹ Zwi nkhumbudza tshifhinga tshe nda vha ndi n̄ha dzithavhani luthihi. Huno na kathihi ndi nga si do hangwa idzo tshenzhemo. Huno fhano kha minwaha i no ḥodou swika fumi yo fhiraho, kana hu si zwa tshifhinga tshilapfu tshothe nga maanda, ndo vha ndi tshi khou thusa Vho-Jefferies kha zwa u swogeledza, na musi vho vha vhe na muṇo kha dzibere. Huno ndo vha ndi tshi khou dzi isa kha maṇwe mafulo he nda

vha ndi tshi nga dzi sia heneffo, he kholomo dza vha dzi tshi do ḋivha u da. Kule murahu, maela dza fusumbe, kaṭukuṭuku, u bva kha vhutshilotshedza. Kana, ndi khou amba, maela dzi no ṭodou swika furaru, furarūthanu, khamusi maela dza fuina, u ya Kremmling, Colorado, kha hune na rwa ngomu muḍini mutuku wa vhathu vha no ṭodou swika maḍana a sumbe kana malo a vhathu. Huno ndo vha ndi na bere yanga, nahone ndo vha ndo bvisa saga dza u namela, dzi songo laisiwa. Huno ri sedza kha . . . zwima dzikholomo nga dziferekeikere. Nahone ndo vha ndo hunga bere yanga kha davhi, huno zwigarikana two vha zwi murahu hayo, ye ya vha, i bere . . . bere ya bele i nga phanda. Huno nda gonya mivhundu. Huno ho vha ho naka nga maanda. Ho vha hu khalañwaha ya tshimedzi. Huno ndo vha ndo sedza seli ha magovha, ndo sedza magabelo maṭuku a madi, kule hu re tshikhala. Huno musi ndo sedza, ho vha hu vhukati ha nga masiari, huno nda vhona tshiñwe tshithu tshe tsha ndzikusa.

¹⁵⁰ Nda vhona mme wa kale a tshi dzhia vhushie hawe tshiñhani tshawe, tshiñoni tsha kale tshi re goni. Huno tsha babamedza u mona naho u swika tsho no vha hwala nga phapha dzatsho. Huno ho no vhuya ha vha nn̄da ha tshiñha. Fhedzi o vhu dzhia a tsela fhasi naho ngomu govhani. Na kathihi a vhu athu vhuya ha vha heneffo fhasi. Vhu khou tou guda u fhufha. Ngauralo, a vhu fhufhisa. Huno ha tshimbila, vhu tshi doba kha mahatsi, nahone vhu tshi vhumbulusana, vhu si na mbilaelo sa zwine vhu nga vha ngaho. Huno musi ho dzula heneffo, nda elekanya, “Zwino, naa uvho a vhu tou fana na tshigwada tsha Vhakriste vha tendaho, zwa vhukuma! A vhu na mbilaelo.” Ndi ngani ho vha vhu si na mbilaelo? Ho vha vhu sa tei u ofha tshiñwe tshithu, ngauri mme o do ya heneffo n̄tha murahu huno a dzula fhasi kha tombo, u vhu sedza. Oo! Izwo zwi tou zwi shandukisa nga u ralo.

¹⁵¹ Musi ni tshi swika kha u elekanya, “Naa Mufunzi Mukenenene u do elekanyani arali zwa sokou itea nda wana Muya Mukhethwa? Naa Mubishopo Mukenenene u do ri mini?” A thi londi zwine vha amba.

¹⁵² Yesu o fa, huno O namela mbondo dza Vhugala, huno O dzula maṭaduluni a maṭadulu. A hu na tshi no khou yo ni dina. Ito Ławe li kha thongola, huno ndi a zwi ḋivha uri U a nndinda, nahone U a ni linda.

¹⁵³ Zwenezwo musi hu tshi da, arali ha tea u da phele, kana tshiñwe tshithu tsha u thithisa luñwe lwa uvhu vhūṭuku, mulandu, u . . . Ndi khwine zwi sa iti. A nga doba phele nga tshanda tshawe, nga marimba awe, a i hwala a i isa n̄tha lwa fithi dza zwigidi two vhalaho huno a sokou i vhofholola. I do thathekana tuyani. A hu na tshi no khou yo dina uvhu vhūṭuku. U khou yo vhona uri ho tsireledzea.

¹⁵⁴ A hu na tshine tsha khou yo ni dina. Ni songo tshuwa u dzhia Mudzimu u ya nga Ipfi Ławe. Itonu ḋigeda, huno

ni vhe na lutendo, nahone ni tende. U khou ni linda. U do thathekanya tshiñwe na tshiñwe tshi no lingedza u ni dina. Oo, tshi nga di ita mudio kha inwi, fhedzi tshi nga si ni vhaise. “Ngauri zwithu zweithe,” U a zwi tendela. Ho vha hu si nga vhi tshiñwe tshithu-vho, “Ngauri zwi khou shumisana zwa isa havhudí, kha avho vha no funa Murena.” A hu na u vhaisa hune hu nga ða kha inwi.

¹⁵⁵ Huno ngauralo, nga murahu ha tshifhinganyana, hu ða ðumbu n̄tha. Huno musi ðumbu lo thoma, li ða nga u ñavhanya, ayo a devhula, u taidza huñuku ha lupenyo na uyo maya u tshi khou ða, maela dza furathi kana fusumbe nga awara. Huno uyo mme goni wa kale a ita luzhambo luhuluhulu, huno fhasi nga kha govha a ya. Huno ulwo luzhambo, naa lwo ita mini? Ayo magoni mañuku o ðivha ipfi la mme ao.

“Nngu Dzanga dzi ðivha Ipfi Langa,” O amba.

¹⁵⁶ Khombo yo vha yo no sendela. Zwino, ho ngo lingedza u dzhena fhasi ha zwipiða zwa zwiñwe zwithu. Ho ngo lingedza u gidimela nnnda ngomu ha luñwe lushaka lwa thulwi ya mathukhwí. O sokou lindela mme.

¹⁵⁷ Izwo ndi zwine Mukriste a tea u ita; u vhona zwine Mudzimu a ðo ita nga hazwo.

¹⁵⁸ Huno musi mme wa ka—kale a tshi rwa fhasi, iyo milenzhe mihuluhulu i no todou vha nga ndila *iyo*, a sokou alavhela fhasi vhunga bufho liñulwane la ndou li tshi kavha. Huno a posela thoho yawe tuyani huno a zhamba, huno a posela idzo phapha khulu nnða, dzi no todou vha fithi dza fuina, u bva kha ñhodzi u ya kha ñhodzi, zwo atama sa u bva kha *iyi* thanda u ya kha *iyo*. Ayo magoni mañuku othe a sokou gidima nga u ñavhanya u ya nga he a kona, huno a fhufhela heneffo kha phapha dza mme ao. A swika heneffo fhasi huno a fara nga marimba mañuku ao, a dzhia milomo miñuku yao, huno a fara muñwe wa *iyo* mithenga yo patwaho ngomu heneffo. Mme o tou a dzhia, hu si na munzenzero wa idzo phapha, huno a takusela n̄tha ngomu ha uyo maya. Henengei tswititi ngomu matomboni a ya, u a dzumbamisela ðumbu le la vha li tshi khou ða.

¹⁵⁹ Oo, mukomana, ðumbu li tsini lo sendela. Ipfani Ipfí Lawe. Li a ni vhidza, “Ibvani Babele. Ívhani o fhandekanaho. Ni songo vha vhahura vha zwaþo, zwivhi zwavho. Ndi do ni tanganedza. Ni do vha vharwa na vhananyana kha Nñe. Ndi do vha Mudzimu kha inwi.”

Kha ri kotamise zwifhañuwo zwashu lwa tshifhinganyana, kha u vala.

¹⁶⁰ [Muñwe u ñea vhuporofita—Mudz.] Amene. Inwi no zwi pfa izwo. Izwo ndi zwone zwine ra zwi vhidza vhuporofita tshivhidzoni.

¹⁶¹ Naa hu do vha na muñwe fhano matsheloni ano, zwine nda ðivha urí u hone, a no ðo ri, “Murena Mudzimu, ivha wa

khathutshelo kha nne. Naho ndo vha murađo wa tshivhidzo, ndo dibula, fhedzi a—a thi ɖivhi zwine zwa vha zwone u fhumula phanda Hau, huno nda pfa Ipfi Łau li tshi nthanga phanda na u mpfunza. Ndo vha ndi si nga ɖivhi zwine nda tea u ita arali U tshi tea u amba na nne nga Ipfi li pfalah. Ndi do funa u U ɖivha, uri U kone u amba na nne huno wa laedza ndila dzanga.”? Naa ni do imisa zwanda zwanu zwenezwino huno na ri, “Mudzimu, ivha wa khathutshelo”? Murena a ni fhaṭutshedze, huńwe na huiwe, zwanda huńwe na huiwe. Itonu isa phanda na u zwi imisela n̄tha. Izwo ndi zwone. “Murena, ivha wa khathutshelo kha nne. Ndi a U ḥoda nga maanda.” Naa hu do vha na vho engedzeaho ri sa athu vala? Mudzimu u vhona zwanda zwanu heneffo murahu, mufumakadzi, na vhoinwi nothe negyo kule murahu, nahone no ima midubani na zwińwe-vho. Mudzimu u a ni vhona, na kha pulatifomo, n̄tha u mona hafha.

Huno Samuele o ri, “Eli, naa wo mmbidza?”

Eli a ri, “Hai, murwa wanga, na kathihi a tho ngo u vhidza.”

¹⁶² Uyo o vha e si nne we a amba na mbilu yanu, khonani. Uyo o vha e Mudzimu. Itonu fhindula huno ni ri, “Mulanda Wau u khou pfa. Huno nnzhenise kha vhulondi Hau, namusi, Mudzimu. I ri, u bva kha ḥuvha la namusi, ndi vhe Wau tshothe.”

¹⁶³ Mudzimu wa U Ya Nga Hu Sa Pheli, mufuni wa muya wanga, Musiki wa zwithu zweithe, musi ilo Ipfi la Mudzimu lituku lo dzikaho le la amba na Samuele, le la amba na Saulo, le la amba na Petro, le la amba na Daniele, na muporofita Yesaya, na vhothe u tsa fhasi kha zwikathi, lo amba hafhu matsheloni ano thaberenakełeni. Thańwe zwi nga vha zwa furaru, kana zwa fuińa, kana khamusi zwanda zwa fuhanu, zwa vhatitazwivhi na mirado ya tshivhidzo, na vhatthu vha re na dzindado, vho imisa zwanda zwavho. Vhanzhi vhavho vho vha vhe fhano madekwe, huno vho pfa Ipfi Łau li tshi da li tshi pfala. Huno zwino, matsheloni ano, lenelo Ipfi lithihi li amba fhasi-fhasi mbiluni dzavho. Vho imisa zwanda zwavho, na zwanda zwavho two livha Ṭađulu, vha tshi ri vho khakha, huno vha ḥoda u vha vha itaho zwi re zwone.

¹⁶⁴ Iwe wo amba kha Ipfi Łau, zwauri, “A hu na muthu ane a nga da kha Nne, nnđani ha musi Khotsi Anga a tshi thoma a mu kokodza. Huno vhothe vha no do da, Ndi do vha nea Vhutshilo Vhu Sa Pheli. Huno ndi do mu vusa nga ḥuvha la u fhedzisela.”

¹⁶⁵ Iwe wo zwi fulufhedzisa, Khotsi. Zwino ri vhidzelela kha Iwe, sa mulanda Wau, u nea avha vhe vha imisa zwanda zwavho, Vhutshilo Vhu Sa Pheli na dakalo la U Ya Nga Hu Sa Pheli. Huno ngavhe vha tshi tshirela Iwe, mađuyha othe a vhatshilo havho. Huno magumoni a ndila ya lwendo lwa vhatshilo, vha dzhena madakaloni a Murena. Zwi tendele, Khotsi. Ri a zwi humbela Dzinani la Yesu nahone u itela Yesu. Amene.

¹⁶⁶ Naa ndi vhangana vha vhoinwi vha no Mu funa nga mbilu yanu yothe, mbilu yanu yothe fhedzi? [Tshivhidzo tshi ri, "Amene."—Mudz.] Zwino, kha aya mafhethu matuku hafha a no nga ili... nne ndo tou lenga. Fhedzi Bivhili yo amba, zwauri, "Ri dzula rothe kha mafhethu a Tađulu kha Kristo Yesu." Muya Mukhethwa u a da, wa dzhena ngomu ha Ipfi, wa tshimbila wa tsela phasi nga kha vhathetshelesi, huno ni nga tou Li sedza musi Li tshi swiela khavho, li tshi vha shandukisa.

¹⁶⁷ Vhunga ndo amba, ndi tenda kha nyanyuwo. Ngoho. Fhedzi, inwi, mini... Ni a vhona, nyanyuwo a dzi ni shandukisi. Nyanyuwo dzo tea u ya thwii ngomu u swika a tshi kwama vhudilisi ha vhuvha hanu. Izwo ndi zwine zwa ni shandukisa kha zwa tshivhi...

¹⁶⁸ Naa muitazwivhi ndi mini? A sa tendi. Hu na vhatu vhanzhi namusi, vha re na yone—yone digirii Thukhu ya Athi, vha re na digirii ya vhudokotela, vha re na Ph. D., na L. D. ya kavhili kha dzina lavho, huno vha tshi kha di vha vhatitzwivhi. Vha divha Bivhili u bva kha Genesi u ya kha Dzinzumbululo, vha rera phuluphithini, huno vha tshi kha di te... vha sa tendi. Bivhili yo ri, "A sa tendi o no di haṭulwa."

¹⁶⁹ Vhudzisani muñwe wa avho vhatu arali vha tshi tenda zwauri Muya Mukhethwa ndi wa namusi. "Mulandu, zwa vhukuma hai." Naa ni a tenda zwauri phodzo ya Muya i hone? "Mulandu, zwa vhukuma hai." Zwenezwo ene ndi a sa tendi. Izwo ndi zwone. Arali Muya Mukhethwa u kha inwi, naa U nga si tanzielele Ipfi La Wone une? Huno arali mayu u re kha inwi u tshi tanzielela zwo fhambanaho na zwine Mudzimu a ri ndi ngoho, a si Muya wa Kristo. Inwi ni nga di vha ni wa tshivhidzo tsha Kristo, fhedzi a ni wa Kristo u swika mayu wanu u tshi ri "amene" kha pfulufhedziso inwe na inwe ye Mudzimu a ita. Huno musi O fulufhedzisa...

¹⁷⁰ Petro o amba, nga Duvha la Pentekoste, a ri, "Shandukani, nothe, huno ni lovhedzwe nga Dzina la Yesu Kristo u itela khangwelo ya zwivhi zwañu, huno ni do wana tshifhiwa tsha Muya Mukhethwa." Huno arali mayu wanu u tshi ri izwo zwo vha zwi zwa linwe duvha... Naa Luñwalo lwo ri mini? "Ngauri pfulufhedziso ndi yanu," Muyuda, "na ya vhana vhanu, na avho vha re kule," Wannda, "na vhanzhi vhane Murena Mudzimu washu a do vha vhidza." Pfulufhedziso i fanaho.

¹⁷¹ O ri, "Ndi nne Mułokola, inwi ni matavhi." Huno arali iyo i Pfunzo ya davhi, davhi la u thoma, davhi la vhuvhili li tea u vha na Pfunzo i fanaho. Huno Pfunzo i fanaho i do bveledza mvelelo dzi fanaho. Huno musi davhi linwe na linwe li tshi da kha Mułokola, li do bveledza zwenezwo zwithihi. Ndo takala, matsheloni ano, ndo takala nga maanda uri ndi a zwi divha uri Muya wa Mudzimu a tshilaho u kha di amba nahone u amba na vhatu, huno u khwañhiseda Ipfi Lawe.

¹⁷² Ri khou yo dzhena kha tshumelo ya ndovhedzo nga zwifhinganyana fhedzi zwi si gathi. Arali no shashiwa, no shululelwa, kana no mbwandamedzwa nga iñwe ndila-vho nga nnda ha Dzina la Murena Yesu Kristo, ni itelwa khaedu ya u ða maðini.

¹⁷³ Zwino inwi ni ri, “Mukomana Branham, ni khou amba u mmbudza?” Ee, mukomana.

¹⁷⁴ U shasha a u khou ambiwa Bivhilini. A hu na fhethu Bivhilini he nnyi na nnyi a vhuya a shashiwa. Zwino elelwani izwi. Ndo vhudzisa iyi desiki, vhege yoþe. Nngwaneleni he muthu muthihi Bivhilini a vhuya a shashiwa u itela khangwelo ya zwivhi zwawe, we a vhuya a shululelwa u itela khangwelo ya zwivhi zwawe, kana a vhuya a lovhedzwa nga u mbwandamedzwa nga dzina la “Khotsi, Murwa, Muya Mukhethwa” u itela zwivhi zwawe. Na kathihi ho ngo vha na muthu we a vhuya a shashiwa, a shululelwa kana a lovhedzwa nga dzina la “Khotsi, Murwa, Muya Mukhethwa,” kha zwitibo zweþe zwa Bivhili. Hai, muñe wanga. Vho vha...

¹⁷⁵ Ho vha na vhañwe vhatu vhe vha lovhedzwa nga tshiñwe tshifhinga nga Yohane Mulovhedzi, huno vho vha vha songo lovhedzwa nga liñwe dzina-vho na luthihi, huno vho vha vho lovhedzwa nga onoyo munna muthihi we a lovhedza Yesu. Fhedzi Paulo, musi a tshi ȝangana navho kha Mishumo 19, o vha vhudza uri vho tea u ða huno vha lovhedzwa hafhu nga Dzina la Yesu Kristo, kana vho vha vha tshi kha di do kundelwa u ȝanganedza Muya Mukhethwa.

¹⁷⁶ Musi Petro o wana vhañwe vhe vha vha vho no ȝanganedza Muya Mukhethwa vha sa athu lovhedzwa na luthihi, a vha laya nahone a dzula navho u swika vho no lovhedzwa nga Dzina la Yesu Kristo. Izwo ndi ngoho, khonani.

¹⁷⁷ Ndi a zwi ñivha uri vhunzhi ha vhatu vha ri, “Zwino, Mukomana Branham ndi ene Yesu Fhedzi.” Izwo zwe khakhea.

¹⁷⁸ Ndi tenda fhedzi Mañwalo. A thi wa iñwe ya dzidinomineisheni-vho. Huno Yesu Fhedzi a i lovhedzi nga iyo ndila, naho zwe ralo. Vha tou lovhedza, Dzina la “Yesu.” Bivhili yo ri, “Murena Yesu Kristo.” Hu na Vhoyesu vhanzhi, fhedzi Murena Yesu Kristo muthihi fhedzi. Ni a vhona? Ni a vhona? Kristo ndi Mesia. Ni a vhona? Huno izwo ndi zwone.

¹⁷⁹ Huno zwino, dzikhonani, zwino, inwi a re fhano matsheloni ano, na kathihi ni sa athu lovhedzwa nga iyo ndila, ngavhe Ipfi liþuku ðo dzikaho la Mudzimu li tshi amba fhasi-fhasi tuyani wañu. Huno hu sa londwi uri bishopo ufhio, tshivhidzo tshifhio, zwine tshiñwe tshithu-vho tsha amba, idani huno ni thetshelese Murena, ndi ndaela yanga kha inwi.

¹⁸⁰ Huno, zwino, Murathu Neville u do ya lufherani *ulu*, u itela u lugisela tshumelo ya ndovhedzo. Huno avho vhane vha khou—khou lugisa zwithu, vhañwe vha vhahulwane vha do ya na nñe. Ndi do vha na inwi ngomu heneffho, nga muniti fhedzi.

¹⁸¹ Fhedzi ndi khou tøda avho vha no khou da zwino, musi ri tshi khou yo imba, “Ndi a pfa Mutshidzi wanga a tshi vhidza.” “Ndi do ya Nae. Hu sa londwi uri tshivhidzo tshifhio, ndi do ya Nae. Hu sa londwi uri nnyi na nnyi, ndi do ya Nae ndilani yothe.” I ri ni vha—vhanna vha ite ndila yavho ya u ya kha *ulu* lufhera, huno vhasadzi vha ite ndila yavho ya u ya kha *ulu* lufhera, musi ri tshi imba zwino. Zwenezwo ri khou yo balanganywa, lwa tshiofisi, nga tshifhinganyana fhedzi zwino. Zwo luga. Rothe khathihi zwino.

Ndi a pfa Mutshidzi wanga a tshi khou
vhidza,

¹⁸² Zwino, vhanna kha vha ye *hafha*, vhasadzi nga *hafha*. “Mu-wanga . . .” Vhañwe vha vhasadzi dzenanai hafha na avha vhasadzi, ndi a ni humbela.

Ndi a pfa Mutshidzi wanga . . . (Naa no pfa
mini? Ipfi Lawe.)

“Dzhia tshifhambano Tshanga, huno u
tevhele, u tevhele Nñe.”

Hune A . . . (Naa ni khou zwi amba zwa
vhukuma?) . . . Ndi do tevhela,

Hune A nnyisa hone ndi do tevhela,

Hune A nnyisa hone ndi do tevhela,

Ndi do ya Nae, Nae ndilani yothe.

¹⁸³ Zwino, musi ndi tshi amba izwi, khonani, ndo pfa Ipfi. Huno arali Ipfi li songo amba u ya nga Ipfi la Mudzimu, *Hafha*, ndi ipfi lo khakheaho. Fhedzi, “Nngu Dzanga dzi ñivha Ipfi Langa.”

¹⁸⁴ Naa ni nga da hani? Ngetshi tshi itisaho uri ni de. Ndi ngauri, “Dzina ñanu lo ñwalwa kha Bugu ya Ngwana ya Vhutshilo shango li sa athu tewa.” Bivhili yo amba nga u ralo. Elekanyani nga ha muthu o dzulaho huno a tshi zwi ñivha zwauri iyo ndi Ngoho ya Mafhungo-madjifa, huno nahoh zwo ralo tshiñwe tshithu tsho mu fara, a tshi zwi ñivha zwauri thañwe dzina ñawo vha li songo ñwalwa. Zwenezwo mini-ha?

“Vha Nnduvha nga lifhedzi.” Ni a vhona, “Nga lifhedzi.”

¹⁸⁵ “Oo,” inwi ni ri, “Nñe ndi munna a fulufhedzeaho. Nñe ndi a fulufhedzeaho . . .” Izwo a zwi na mushumo nazwo.

¹⁸⁶ “Vha Nnduvha nga lifhedzi, vha tshi funza milayo ya vhathe sa pfunzo.”

¹⁸⁷ Ndo ni vhudza, a hu na muthu o shashiwaho, o shululelwaho, kana o lovhedziwaho, nga dzina la “Khotsi, Murwa, Muya Mukhethwa” Bivhilini. I fhendeni. Zwi waneni.

Arali zwi zwone, iðani ni ntsumbedze, kha pulatifomo namusi. Zwenezwo, arali no itwa nga iyo ndila, ni khou tevhela maitele a muthu.

¹⁸⁸ Huno arali muñwe muthu a tshi ni vhudza, “Zwo luga, inwi iðani ntha huno ni dibule, ni ðo tanganedza Muya Mukhethwa-ha.” Izwo zwo khakhea. Iyo ndi pfunzo yo itwaho nga muthu.

¹⁸⁹ Hu na ndovhedzo ya maðini ya khole-khole. Hu na ndovhedzo ya Muya Mukhethwa ya khole-khole. Diabolo u a I edzisela ngauri e wa vhurereli. Kaini, khotsi awe vho vha vha vhurereli, vhunga ro fhira khazwo. Mbeu ya nowa i kha ði bvela phanda. Huno Mbeu ya musadzi, nga kha Kristo, i kha ði bvela phanda.

“Fhedzi, a hu na muthu ane a nga ða nnðani ha musi Khotsi Anga a tshi mu kokodza.”

¹⁹⁰ Zwino elekanyani nga ha vhañwe vho dzulaho hafha, matsheloni ano, vha no zwi ðivha zwauri no lovhedzwa nga ndila yo khakheaho, nga ndaela ya muthu, huno hu si u ya nga Bivhili, huno u bebwa ha u thoma hanu ha u bula ho khakhea. Naa ni nga vhuya na vha a no ita zwone hani, nnðani ha musi ni tshi humela murahu huno na thoma nga ndila yone? Inwi ni a elelwa, ino vhege, ndo rera: *Zwo Vha Zwi Songo Ralo U Rangani*.

¹⁹¹ Zwino, huno arali ni tshi nga pfa Ipfi li tshi amba na inwi, uyo ndi Mudzimu, ngauri Li andana na Luñwalo. Arali li sa iti, zwenezwo hu na lunwe lushaka lwa ipfi lo khakheaho li no khou amba na inwi. Fhedzi Ipfi li re lone li do ni vhudza u tevhela milayo ya Bivhili; hu si na u shasha, hu si na u shululelwa, hu si na zwa khole-khole. Iðani tswititi nnða huno ni tevhele milayo ya Bivhili.

¹⁹² Zwi iteni, dzikhonani, arali zwo dzhia tshiñwe na tshiñwe. A thi londi zwine zwa ðo dzhia zwone, ndi ðo vhea thungo tshiñwe na tshiñwe, u tevhela Murena Yesu.

¹⁹³ “Ipfani Ipfi Łanga. Nngu Dzanga dzi ðo ralo, nahone dzi ðo ða kha Nñe. Huno vhothe vha no ðo ða kha Nñe, Ndi ðo vha nea Vhutshilo ha lini na lini, huno ñda mu vusa maðuvhani a u fhedzisela.” Naa ndi zwone?

¹⁹⁴ Ngezwi, heneffha na Mañwalo. A hu na ane a nga zwi hanedza Izwo. Izwo ndi zwone. A hu na ane a nga zwi hanedza Izwo. Ngezwi, nga Maanda a Muya, hu tshi itwa zwenezwo zwithihi zwe Yesu a ita. *Hafha U hone*, kha tshifanyiso, Khavhu ya Mulilo yeneyo nthihi, i tshi tshimbila, mitshelo yeneyo mithihi, Muya wonoyo muthihi, hu na nyanyuwo yeneyo nthihi, nyito yeneyo nthihi, zwiga zwenezwo zwithihi, zwimangadzo zwenezwo zwithihi. Khezwo. Ipfani Ipfi la Mudzimu matsheloni ano.

Huno Ipfi lo ri, “Samuele.”

¹⁹⁵ Ha pfi, “Ee, Murena. Ee, Murena. Nne ndi fhano. Ngoyu mulanda Wau. Ngoyu mulanda Wau. Ndi ḍo tevhela.”

Mudzimu kha fhaṭutshedze mufumakadzi. “Ndi do . . .”

¹⁹⁶ Inwi ni ri, “Mukomana Branham, ni khwaṭhisa izwo lu ofhisaho.” Ndi khou amba uri zwi khwaṭhe. Zwi vhukati ha Vhutshilo na lufu, ngauralo ndi fanela u zwi khwaṭhisa. Murena a vhe na inwi, ndi thabelo yanga i fulufhedzeaho.

¹⁹⁷ Zwino, vha sa athu sudzulusa fanitsha ya tshifhato hafha, u vha na . . . uri ni vhone ndovhedzo. Fhethu ho vuliwa nga zwifhinga zweothe. Ndi ḍodou vhala mañwe, heneffo tswititi kha Mañwalo, u ri ni vhone uri nne ndi—nne ndi khou vhala.

¹⁹⁸ Yesu Kristo, kha ndima ya vhu¹⁶ ya Mateo Mukhethwa, ndi a tenda, o vhudza Petro, “Ndi u nea khii dza Muvhuso wa Tađulu. Tshine wa vhofha kha lifhasi, Ndi ḍo tshi vhofha ngei Tađulu; tshine wa vhofholola kha lifhasi, Ndi ḍo vhofholola ngei Tađulu.” Vhoiñwi nothe ni a zwi ḫivha izwo? [Tshihhidzo tshi ri, “Amene.”—Mudz.]

¹⁹⁹ Nga ḫuvha la Pentekoste, musi Muvhuso wa Mudzimu wo no da nga vhudalo ha Maanda Aho, naa ni a zwi tenda izwo? [Tshihhidzo tshi ri, “Amene.”—Mudz.] Petro, o ima. Zwino, musi Yesu o vuwa vhafuni, O vha a si na khii dza Muvhuso. Naa izwo ndi zwone? [“Amene.”] O vha e na khii dza lufu na vhudzulavhafu, hu si khii dza u ya kha Muvhuso. Huno ngezwi zwe a zwi amba musi a tshi rera, huno vho vha vha tshi khou pfa izwi zwithu, huno vho kondisa mbilu dzavho. Ngezwi kokotolo zwe Petro a amba.

²⁰⁰ Zwino thetshellesani zwavhuđi musi ndi tshi vhala Mañwalo, uri ni pfesese. Mishumo, ndima ya vhu². Elelwani. Naa ndi vhangana vhe vha vha vhe fhano u pfa ther, *Zwo Vha Zwi Songo Ralo U Rangani?* Kha ri humele murahu u rangani huno ri vhone zwine ndovhedzo, u lovhedza zwa vhukuma ha vha zwone. Naa ri tea u lovhedzwa hani? U shashiwa, u shululelwa, kana nga dzina la “Khotsi, Murwa, Muya Mukhethwa”?

²⁰¹ Elelwani, ndo itela khaedu muñwe mushumeli-vho, muñwe mubishopo-vho, nnyi na nnyi, huñwe fhethu, nga tshiñwe tshifhinga, u ntsumbedza Luñwalo luthihi he muñwe muthu-vho a vhuya a shashiwa, a shululelwa, kana a lovhedzwa nga dzina la “Khotsi, Murwa, Muya Mukhethwa.” Yo vulea. A zwiho kha Mañwalo. Hai.

²⁰² Ndi ndaela ya khole-khole, yo itwaho, yo thoñwaho nga tshihhidzo tsha Kaṭolika. U shasha ho vhumbiwa nga tshihhidzo tsha Kaṭolika, miñwaha i no ḍodou swika madana a rathi nga murahu ha lufu lwa mufunziwa wa u fhedza. “Khotsi, Murwa, Muya Mukhethwa” zwo ḫanganedzwa nga tshifhinga tshithihi, ngauri vhatu vha Kaṭolika vha luvha

midzimu yo fhambanaho, huno vho ita vhuraruthihi ha ofisi dla Mudzimu. Hu si Midzimu miraru; Khotsi, Murwa, Muya Mukhethwa. Izwo ndi zwa vhuhedeni.

²⁰³ Hu na Mudzimu muthihi. “Iwe u songo vha na miňwe midzimu phanda Hanga.” “Ipfa iwe, Oo Israele, Ndi nne Murena Mudzimu wau, Mudzimu muthihi.”

²⁰⁴ Muyuda o ri vhudzisa, “Naa ndi ufhio Mudzimu wanu; Khotsi, Murwa, kana Muya Mukhethwa?”

²⁰⁵ Hu tou vha na Muthihi wavho. Ndi ofisi tharu dze Mudzimu onoyo muthihi a shuma ngadzo, a tshi khou Divhonadza.

²⁰⁶ Tsha u thoma, kha Khotsi, ho ngo kona u kwamiwa. O nembelela thavhani; na thole kana phukha arali yo kwama thavha, yo vha i tshi vhulawa.

²⁰⁷ Zwenezwo A tsa, ngauri O vha a tshi ḥoda u luvhiwa. O ḥa tsini ha muthu, ngauri U vha Murwa-muthu. Mudzimu o vha e Khae.

²⁰⁸ Huno musi O ita izwo, zwenezwo A ri, “Lwa tshifhinganyana huno shango a li tsha ḥo Mmbona. Naho zwo ralo, ni ḥo Mmbona, ngauri Nne,” lisala la vhunę, “Ndi ḥo vha na inwi, na kha inwi, u swika vhufheloni ha shango.” Ho pfi, “Ndi bva ha Mudzimu.” Mini? Khavhu ya Mulilo. “Ndi humela murahu ha Mudzimu.” O ita. O ita. Huno zwenezwo musi O ita izwo, O humela murahu ha Mudzimu.

²⁰⁹ Zwenezwo ri wana Paulo, kha ngudo yashu matsheloni a namusi, ndilani yawe ya u ya Damaseko. Huno O wana Paulo fhasi ndilani. Huno A mu rwa a wela fhasi. Huno musi Paulo a tshi sedza n̄ha, naa O vha e mini? Khavhu ya Mulilo hafhu, Tshedza tshe tsha swingisa mađo awe.

²¹⁰ Sedzani zve Yesu a ita musi O vha e kha lifhasi, huno a vhudza musadzi zwivhi zwawe, a ita izwi zwithu zwothe. Huno a ri, “A thi iti tshithu nn̄dani ha musi Khotsi a tshi Ntsumbedza u thoma.”

²¹¹ Vho Mu vhudzisa, vha ri, “Naa ndi ngani U sa yi ngei fhasi huno wa fhodza avho vhatu ngei fhasi?” A fhira vhunzhi ha vhatu, he vhaholefhalu, vha ḥudzaho, vho pofulaho, na vho omaho mirado. A fhodza munna we a vha e na vhuleme ha thanga ya tshinnani, kana tshiňwe tshithu, o edela kha vhulalo. Ha pfi, “Ndi ngani U sa iti tshivhalonyana tshothe tshavho?”

²¹² A ri, “Ngoho, ngoho...” Yohane Mukhethwa 5:19, zwino, “Ngoho, ngoho, Ndi ri kha inwi, Murwa a nga si kone u ita tshithu nga Ene muňe; nga nn̄da ha zwine A vhona Khotsi a tshi ita, izwo Murwa u a ita.”

²¹³ Hafha O ḥa hafhu, mađuvhani aya a u fhedzisela. Shango la saintsli li nga si zwi sande. Tshivhidzo tshi nga si zwi sande. Ngoyu, u a vhuya heneffo murahu ngomu tshivhidzoni huno u tshi khou ita zwenezwo zwithihi. Muya! Mudzimu u ḥoda avho vha no luvha Muyani na kha Ngoho. Hafha U hone.

²¹⁴ Ngezwi zwe A amba nga Duvha la Pentekoste, Petro a tshi khou rera.

Uyu Yesu Mudzimu o mu vusa, hune ha...rothe ri dzithanzi. (Naa ri dzithanzi?)

Ngauralo-ha e kha tshanda tsha u la tsha Mudzimu o huliswa,...o tanganedza ya Khotsi pfulufhedziso ya Muya Mukhethwa, o shulula uyu, une zwino na u vhona na u pfa.

Ngauri Dafita ho ngo gonya ngomu...tađulu: fhedzi o amba ene muñe, MURENA o ri kha Murena wanga, Dzula kha tshanda tshanga tsha u la,

U swika Ndi tshi ita maswina au vhukando ha milenzhe yau.

Ngauralo-ha nn̄du yothe ya Israele nga i zwi divhe nga ngoho, zwauri Mudzimu o ita onoyu Yesu muthihî, we inwi na mu vhamba, Murena na Kristo vhuvhili hazwo.

Zwino musi vha tshi pfa izwi, (avho vho vha vhe vhatu vha vhurereli) musi vha tshi pfa izwi, vha thavhea mbiluni dzavho, huno vha ri kha Petro na...vhanwe vhaapostola, Vhanna na vharathu, naa ri do itani?

²¹⁵ Naa ri do tou ya huno ra vha vhavhudî? Hai, hai. Fhaṭuwani, Petro, ni na khii ya u ya kha Muvhuso zwino. "Zwine wa vha vhudza zwone," Mudzimu o ri, "Ndi do zwi khiñela ngei Tađulu musi u tshi zwi khiñela kha liphasi."

Petro a ri khavho, Shandukani, nothe, huno ni lovhedzwe nga dzina la Yesu Kristo u itela khangwelo ya zwivhi, huno ni do tanganedza tshifhiwa tsha Muya Mukhethwa.

Ngauri pfulufhedziso ndi yanu, na kha vhana vhanu, na kha avho vha re kule, na vhanzhi vhane Murena Mudzimu washu a do vha vhidza.

²¹⁶ Luňwalo luthihi lwo engedzeaho. Miňwaha ya furarumbili nga murahu ha hezwo, Paulo, nga hangeno kha ndima ya vhu19.

Paulo o no buđekanya khunzikhunzi dza n̄tha dza...Efeso: u wana vhanwe vhafunziwa,

Huno a ri khavho, Naa no tanganedza Muya Mukhethwa tshee na tenda?

²¹⁷ Vhabaphuthisi, i ri ni izwo zwi nwelele ngomu hanu. "Naa no tanganedza Muya Mukhethwa tshee na tenda?" Ndi mbebo, a si u bula.

...Riñe a ri ñivhi hune ha vha na Muya Mukhethwa-vho.

Huno a ri...Kha mini...inwi no lovhedzwa tshifhingani itsho? Vho vha vho no lovhedzwa, Kha Yohane...

Paulo a ri khavho, Yohane nga ngoho o lovhedzela...kha tshanduko, (hu si u itela khangwelo ya zwivhi), kha tshanduko, a tshi ri...uri ni tende kha uyo a no do da...ndi uri, kha Yesu Kristo.

Huno vha tshi pfa izwi, vha lovhedzwa nga dzina la Murena Yesu Kristo.

...huno Paulo a vhea zwanda zwawe khavho, huno Muya Mukhethwa wa da khavho; huno vha amba nga dzindimi, huno vha hulisa Mudzimu.

²¹⁸ Zwino i ri ni ndi ni dzhie, Paulo, a tshi vala epistola yawe, Vhagalata 1:8.

...naho rine, kana muruñwa a bvaho ṭadulu, a rera manwe mafhungo-madifha-vho kha inwi a si hayo no a pfaho, kha vhe samba kha inwi.

²¹⁹ Ndi nga di ni isa na kha Vhakorinta, ndima ya vhul¹⁴, ndimana ya 38, he Ya amba.

Arali muñwe muthu-vho a tshi difhima u vha wa maya, kana muporofita, kha tende uri...zwine nda ni ñwalela ndi milayo ya Murena.

Fhedzi arali a tshi hana, itonu mu litsha a hane.

²²⁰ Naa ri khou yo ita mini nga hazwo? Vhutanzi vhuiwe na vhuiwe...Ndo vha ndi fhethu hanu, huno ndo vha ndi songo lovhedzwa u ya nga ndovhedzo ya Tshikriste, hu sa londwi zwe tshivhidzo tshanga tsha elekanya, kana zwe mme anga vha elekanya, ndi todou divha zwine Murena wanga a laya.

²²¹ Murena Yesu, ndi Tshau zwino. Huno ndi rabela zwauri U do shuma kha mbilu iñwe na iñwe. Huno ȝea avha, vha re dzivhani uri vha lovhedzwe, Muya Mukhethwa, musi vho lindela Iwe. Dzinani la Yesu ri kumedzela gogo kha Iwe, uri nga ilo Duvha, Murena, ngavhe ndi sa vhi a re na mulandu, fhedzi nda vha o vhofholowaho kha malofha a vhatu vhothe; ndi songo ima nga mañwe maitele, kana iñwe dinomineishenⁱ, kana dzangano, fhedzi nga u ima nga Ipfi Lau. Amene. 

IPFANI IPFI L_{AWE} TSV58-1005M
(Hear His Voice)

Hoyu Mulaedza nga Mukomana William Marrion Branham, u rangani wo newa nga Tshiisimane nga matsheloni a Swondaha, Tshimedzi 5, 1958, Thaberenake^leni ya Branham ngei Jeffersonville, Indiana, U.S.A., wo dzhiwa kha rekhodo ya theiphi ya maginete huno wa gandiswa u songo pfufhifhadzwa nga Tshiisimane. Heyi ^lhalutshedzo ya Tshivenda yo gandiswa huno ya phadaladzwa nga vha Voice Of God Recordings.

TSHIVENDA

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
P.O. Box 178, SOMERSET WEST, 7129 CAPE PROVINCE,
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuṭuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org